

李氏遺書十一種

漢四分術卷上

注曰見續漢志

李銳述并注

自太初元年始用三統秭施行百有餘年秭稱後天朔先秭朔或在晦月見考其行日有退無進月有進無退建武八年中太僕朱浮太中大夫許淑等數上書言秭不正宜當改更時分度覺差尙微上以天下初定未遑考正至永平五年官秭署七月十六日食

註曰永平五年壬戌歲入三統術甲子統一百六十五年以章月二百三十五乘之得三萬八千七百七十五如章歲十九而一得積月二千四十閏餘一十五其年有閏案通鑑目錄是年閏五月置積月二千四十以二十三乘之得四萬六千九百二十盈百三十五去之餘七十五加二十三者九得二百八十二

盈百三十五又去之餘一十二置加數九命起十一
月算外得七月是七月有食又置積月二千四十加
九月共得積月二千四十九以月法二千三百九十
二乘之得四百九十萬一千二百八如日法八十一
而一得積日六萬五千八百六十六以六十去積日
得大餘二十八命甲子得七月壬辰朔加朔大餘十
四小餘六十二得望大餘四十三小餘四待詔楊岑
十一命如前得丁未望是七月十六日食待詔楊岑
見時月食多先秣卽縮用算上爲日上言月當十五
日食官秣不中詔書令岑普與官課起七月盡十一
月弦望凡五官秣皆失岑皆中庚寅詔令岑署弦望
月食官復令待詔張盛景防鮑鄴等以四分法與岑
課歲餘盛等所中多岑六事十二年十一月丙子詔
書令盛防代岑弦望月食加時四分之術始頗施行

是時盛防等未能分明秣元綜校分度故但用其弦
望而已先是九年太史待詔董萌上言秣不正事下
三公太常知秣者雜議訖十年四月無能分明據者
至元和二年太初失天益遠日月宿度相覺浸多而
候者皆知冬至之日日在斗二十一度未至牽牛五

度而以爲牽牛中星後天四分日之三

注曰元和二年乙酉入三

統術甲子統一百八十八年以策餘八千八百一十乘之
得一百五十一萬九千四十如統法一千五百三十
九而一得大餘九百八十七小餘四十七大餘滿六
十去之得冬至大餘二十七小餘四十七命甲子得
辛卯冬至其小餘不及四分之一於四分術入辛酉
節一十七年以日餘乘之得二千八百五十六如中
法而一得大餘八十九小餘八即四分之一大餘滿
六十去之得冬至大餘二十九命辛酉得庚寅冬至

兩術相課是三統後天四分日晦朔弦望差天一日

注曰置上入三統術甲子統一百八十八年以章月

二百三十五乘之得四萬四千一百八十八年以章月

九而一得積月二千三百二十五閏餘五以月法二

千三百九十二乘積月得五百五十六萬一千四百

如日法八十一而一得積日六萬八千六百五十九

小餘二十一以六十去積日得大餘一十九命甲子

得天正癸未朔置朔大餘一十九小餘二十一累以

大餘七小餘三十一加之得上弦大餘二十六小餘

五十二望大餘三十四小餘二下弦大餘四十一小

餘三十三各命甲子得庚寅上弦戊戌望乙巳下弦

又置上入四分術辛酉蔀一十七年以章月乘之得

三千九百九十五如章歲而一得積月二百一十閏

餘五以蔀日乘積月得五百八十二萬九千三百九

十如蔀月而一得積日六千二百一十一小餘四百五

以六十去積日得大餘二十一命辛酉得天正壬午

朔置朔大餘二十一小餘四百五十累以大餘七小

餘三百五十九四分三望大餘三十六小餘二百二十九

餘八百九十四分三望大餘三十六小餘二百二十九

四分二下弦大餘四十三小餘五百八十九四分一
各命辛酉得己丑上弦丁酉望甲辰下弦是晦朔弦
望皆差
一日宿差五度章帝知其謬錯以問史官雖知不

合而不能易故召治秣編訢李梵等綜校其狀二月
甲寅遂下詔曰朕聞古先聖王先天而天不違後天
而奉天時河圖曰赤九會昌十世以光十一以興又
曰九名之世帝行德封刻政朕以不德奉承大業夙
夜祇畏不敢荒寧予末小子託在於數終曷以續興
崇弘祖宗拯濟元元尙書璿璣鈴曰述堯世放唐文
帝命驗曰堯考德顧期立象且三五步驟優劣殊軌
况乎頑陋無以克堪雖欲從之末由也已每見圖書

中心慙焉間者以來政治不得陰陽不和災異不息
癘疫之氣流傷於牛農本不播夫庶徵休咎五事之
應咸在朕躬信有關矣將何以補之書曰惟先假王
正厥事又曰歲二月東巡狩至岱宗柴望秩于山川
遂覲東后叶時月正日祖堯岱宗同律度量考在璣
衡以正秣象庶乎有益春秋保乾圖曰三百年斗秣
改憲史官用太初鄧平術有餘分一在三百年之域
行度轉差注曰錢詹事曰四分術歲三百六十五日
之三百八十五爲斗分積至四年小滿皆滿一日而
太初術又多千五百三十九分之一所謂餘分一也
積至三百年當贏七十五分則寢以謬錯璇璣不正
冬至益後天故云行度轉差

文象不稽冬至之日日在斗二十二度而秣以爲牽
牛中星先立春一日則四分數之立春日也以折獄
斷大刑於氣已迂用望平和秣時之義蓋亦遠矣今
改行四分以遵於堯以順孔聖奉天之文冀百君子
越有民同心敬授獲咸喜以明予祖之遺功於是四
分施行而訢楚猶以爲元首十一月當先大欲以合
耦弦望命有常日而十九歲不得七閏晦朔失實行
之未期章帝復發聖思考之經識使左中郎將賈逵
問治秣者衛承李崇太尉屬梁鮪司徒嚴勗注曰錢
詹事曰
此嚴勗亦司徒之祿
屬非司徒也史脫文
太子舍人徐震鉅鹿公乘蘇統

及訢梵等十人以爲月當先小據春秋經書朔不書晦者朔必有明晦不朔必在其月也卽先大則一月再朔後月無朔是明不可必梵等以爲當先大無文正驗取欲諸耦十六日月朏昏晦當減而已又晦與合同時不得異日又上知訢梵冗見勅母拘秣已班天元始起之月當小定後年秣數遂正永元中復令史官以九道法候弦望驗無有差跌逵論集狀後之議者用得折衷故詳錄焉

逵論曰太初秣冬至日在牽牛初者牽牛中星也古黃帝夏殷周魯冬至日在建星建星卽今斗星也太

初秣斗二十六度三百八十五分牽牛八度案行事
史月注冬夏至日常不及太初秣五度冬至日在斗
二十一度四分度之一石氏星經曰黃道規牽牛初
直斗二十度去極二十五度於赤道斗二十一度也
四分法與行事候注天度相應尙書考靈曜斗二十
二度無餘分冬至在牽牛所起又編訢等據今日所
在牽牛中星五度於斗二十一度四分一與考靈曜
相近卽以明事元和二年八月詔書曰石不可離令
兩候上得算多者太史令立等候元和二年至永元
元年五歲中課日行及冬夏至斗二十一度四分一

合古秣建星考靈曜日所起其星間距度皆如石氏
故事他術以爲冬至日在牽牛初者自此遂黜也達
論曰以太初秣考漢元盡太初元年日朔二十三事
其十七得朔四得晦二得二日新秣七得朔十四得
晦二得三日以太初秣考太初元年盡更始二年二
十四事十得晦以新秣十六得朔七得二日一得晦
以太初秣考建武元年盡永元元年二十三事五得
朔十八得晦以新秣十七得朔三得晦三得二日又
以新秣上考春秋中有日朔者二十四事失不中者
二十三事天道參差不齊必有餘餘又有長短不可

以等齊治秣者方以七十六歲斷之則餘分稍長稍得一日故易金火相革之卦象曰君子以治秣明時又曰湯武革命順乎天應乎人言聖人必秣象日月星辰明數不可貫數千萬歲其間必改更先距求度數取合日月星辰所在而已故求度數取合日月星辰有異世之術太初秣不能下通於今新秣不能上得漢元一家秣法必在三百年之間故讖文曰三百年斗秣改憲漢興當用太初而不改下至太初元年百二歲乃改故其前有先晦一日合朔下至成哀以二日爲朔故合朔多在晦此其明效也達論曰臣前

上傅安等用黃道度日月弦望多近史官一以赤道度之不與日月同於今秣弦望至差一日以上輒奏以爲變至以爲日卻縮退行於黃道自得行度不爲變願請太史官日月宿簿及星度課與待詔星象考校奏可臣謹案前對言冬至日去極一百一十五度夏至日去極六十七度春秋分日去極九十一度洪範日月之行則有冬夏五紀論日月循黃道南至牽牛北至東井率日日行一度月行十三度十九分度七也今史官一以赤道爲度不與日月行同其斗牽牛與鬼赤道得十五而黃道得十三度半行東壁奎

婁軫角亢赤道十度黃道八度或月行多而日月相
去反少謂之日卻案黃道值牽牛出赤道南二十五
度其直東井輿鬼出赤道北二十五度赤道者爲中
天去極俱九十度非日月道而以遙準度日月失其
實行故也以今太史官候注考元和二年九月己來
月行牽牛東井四十九事無行十一度者行婁角三
十七事無行十五六度者如安言問典星待詔姚崇
并畢等十二人皆曰星圖有規法日月實從黃道官
無其器不知施行案甘露二年大司農中丞耿壽昌
奏以圖儀度日月行考驗天運狀日月行至牽牛東

井日過度月行十五度至婁角日行一度月行十三度赤道使然此前世所共知也如言黃道有驗合天日無前卻弦望不差一日比用赤道密近宜施用上中所臣校案達論永元四年也至十五年七月甲辰詔書造太史黃道銅儀以角爲十三度亢十氏十六房五心五尾十八箕十斗二十四四分度之一牽牛七須女十一虛十危十六營室十八東壁十奎十七婁十二胃十五昂十二畢十六觜三參八東井三十輿鬼四柳十四星七張十七翼十九軫十八凡三百六十五度四分度之一冬至日在斗十九度四分度

之一史官以郭日月行參弦望雖密近而不爲注日儀黃道與度轉運難以候是以少循其事達論曰又今史官推合朔弦望月食加時率多不中在於不知月行遲疾意永平中詔書令故太史待詔張隆以四分法署弦望月食加時隆言能用易九六七八支知月行多少今案隆所署多失臣使隆逆推前手所署不應或異日不中天乃益遠至十餘度梵統以史官候注考校月行當有遲疾不必在牽牛東井婁角之間又非所謂朏側匿乃由月所行道有遠近出入所生率一月移故所疾處三度九歲九道一復凡九章

百七十一歲復十一月合朔旦冬至合春秋三統九道終數可以知合朔弦望月食加時據官注天度爲分率以其術法上考建武以來月食凡三十八事差密近有益宣課試上案史官舊有九道術廢而不修熹平中故治秣郎梁國宗整上九道術詔書下太史以參舊術相應部太子舍人馮恂課校恂亦復作九道術增損其分與整術並校差爲近太史令颺上以恂術參弦望然而加時猶復先後天遠則十餘度永元十四年待詔太史霍融上言官漏刻率九日增減一刻不與天相應或時差至二刻半不知夏秣密詔

書下太常令史官與融以儀校天課度遠近太史令舒承梵等對案官所施漏法令甲第六常符漏品孝宣皇帝三年十二月乙酉下建武十年二月壬午詔書施行漏刻以日長短爲數率日南北二度四分而增減一刻一氣俱十五日日去極各有多少今官漏率九日移一刻不隨日進退夏秣漏隨日南北爲長短密近於官漏分明可施行其年十一月甲寅詔曰告司徒司空漏所以節時分定昏明昏明長短起於日去極遠近日道周不可以計率分當據儀度下參晷景今官漏以計率分昏明九日增減一刻違失其

實至爲疏數以耦法太史待詔霍融上言不與天相
應太常史官運儀下水官漏失天者至三刻以晷景
爲刻少所違失密近有驗今下晷景漏刻四十八箭
立成斧官府當用者計吏到班予四十八箭文多故
魁取二十四氣日所在并黃道去極晷景漏刻昏明
中星刻於下

昔太初秣之興也發謀於元封啓定於天鳳積百三

十年是非乃審

注曰前志云自漢秣初起至天鳳六

元鳳六年正得三十年此

文天鳳當作元鳳百字衍及用四分亦於建武施於

元和訖於永元七十餘年

注曰自建武八年起盡永元十四年凡七十一年

然後儀式備立司候有準天事幽微若此其難也中興以來圖讖漏泄而考靈曜命秣序皆有甲寅元其

所起在四分庚申元後百一十四歲朔差卻二日注

置一百一十四年滿甲子歲七十六年去之餘三十

八爲入癸卯歲年以章月乘之得八千九百三十如

章歲而一得積月四百七十無閏餘以歲日乘積月

得一千三百四萬六千七百三十如歲月而一得積

日一萬三千八百七十九小餘四百七十以六十去

積日得大餘一十九命癸卯得元正合朔冬至壬戌

日甲寅元首日名甲子在壬戌後二日是朔差卻二日也學士修之於草澤信向以爲得正及太初秣以後大爲疾注曰大當作天而修之者云百四十四歲而太歲超一辰百七十一歲當棄朔餘六十三中餘千一百九十七注曰置一百七十一

五乘之得四萬一百八十五如章歲十九而一得積
月二千一百一十五無閏餘至朔同日以月法二千
三百九十二乘積月得五百五萬九千八百八十如日法
八十一而一得積日六萬二千四百五十七小餘六
十三卽朔餘也置朔餘六十三以十乃可常行自太
九通之得千一百九十七卽中餘也
初元年至永平十一年百七十一當去分而不去故
令益有疏闊此二家常挾其術庶幾施行每有訟者
百寮會議羣儒騁思論之有方益於多聞識之故詳
錄焉

安帝延光二年中謁者亶誦言當用甲寅元河南梁
豐言當復用太初尙書郎張衡周興皆能秣數難誦
豐或不對或言失誤衡興參案儀注者考往校合以

爲九道法最密詔書下公卿詳議太尉愷等上侍中
施延等議太初過天日一度弦望失正月以晦見西
方食不與天相應元和改從四分四分雖密於太初
復不正皆不可用甲寅元與天相應合圖讖可施行
博士黃廣大行令任僉議如九道河南尹祉太子舍
人李泓等四十人議卽用甲寅元當除元命苞天地
開闢獲麟中百一十四歲推閏月六直其日或朔晦
弦望二十四氣宿度不相應者非一用九道爲朔月
有比三大二小皆疏遠元和變秣以應保乾圖三百
歲斗秣改憲之文四分秣本起圖讖最得其正不宜

易愷等八十四人議宜從太初尙書令忠上奏諸從
太初者皆無他效驗徒以世宗攘夷廊境享國久長
爲辭或云孝章改四分災異率甚未有善應臣伏惟
聖王興起各異正朔以通三統漢祖受命因秦之紀
十月爲年首閏常在歲後不稽先代違於帝典太宗
遵修三階以平黃龍以至刑犴以錯五是以前哀平
之際同承太初而妖孽累仍痾禍非一議者不以成
數相參考真求實而汎采妄說歸福太初致咎四分
太初秣衆賢所立是非以定永平不審復革其弦望
四分有謬不可施行元和鳳鳥不當應秣而翔集遠

嘉前造則喪其休近譏後改則隱其福漏見曲論未
可爲是臣輒復重難衡輿以爲五紀論推步行度當
時比諸術爲近然猶未稽於古及向子歆欲以合春
秋橫斷年數損夏益周考之表紀差謬數百兩秣相
課六千一百五十六歲而太初多一日注曰六千一
百五十六歲
三統術之四統歲也四分術日分四歲一終則千五
百三十九終也置三統術周天五十六萬二千一百
二十以四乘之得二百二十四萬八千四百八十爲
六千一百二十六歲之積日又置四分術周天以一
千五百三十九乘之得二百二十四萬八千四百七
十九亦爲六千一百五十六歲之積日兩術相課是
太初多一日
冬至日直斗而云在牽牛迂闊不可復用昭
然如此史官所共見非獨衡輿前以爲九道密近今

議者以爲有關及甲寅元復多違失皆未可取正昔仲尼順假馬之名以崇君之義况天之秣數不可任疑從虛以非易是上納其言遂改秣數

順帝漢安二年尙書侍郎邊韶上言世微於數虧道盛於得常數虧則物衰得常則國昌考武皇帝攄發聖思因元封七年十一月甲子朔旦冬至乃詔太史令司馬遷治秣鄧平等更建太初改元易朔行夏之正乾鑿度八十一分之四十三爲日法設清臺之候驗六異課效脩密太初爲最其後劉歆研幾極深驗之春秋參以易道以河圖帝覽嬉雒書甄曜度推度

九道百七十一歲進退六十三分百四十四歲一超
次與天相應少有闕謬從太初至永平十一年百七
十一歲進退餘分六十三治秣者不知處之推得十
二度弦望不效挾廢術者得竄其說至元和二年小
終之數寢過餘分稍增月不用晦朔而先見孝章皇
帝以保乾圖三百年斗秣改憲就用四分以太白復
樞甲子爲癸亥引天從算耦之目前更以庚申爲元
旣無明文託之於獲麟之歲又不與感精符單闕之
歲同史官相待因成習疑少能鉤深致遠案弦望足
以知之詔書下三公百官雜議太史令虞恭治秣宗

訢等議建秭之本必先立元元正然後定日法法定
然後度周天以定分至三者有程則秭可成也四分
秭仲紀之元起於孝文皇帝後元三年歲在庚辰上
四十五歲歲在乙未則漢興元年也又上二百七十
五歲歲在庚申則孔子獲麟二百七十六萬歲尋之
上行復得庚申歲歲相承從下尋上其執不誤此四
分秭元明文圖讖所著也太初元年歲在丁丑上極
其元當作庚戌而曰丙子言百四十四歲超一辰凡
九百九十三超歲有空行八十二周有奇乃得丙子

注曰錢詹事日案三統術上元至太初元年十四萬
三千一百二十七算以百四十四除之得九百九十

三超餘一百三十五以九百九十三并入積算得十四萬四千一百二十以六十除之盡是上元丙子至太初元年復得丙子矣置九百九十三以十二案歲次除之得八十二周餘七故云八十二周有奇案歲所超於天元十一月甲子朔旦冬至日月俱超日行一度積三百六十五度四分度一而周天一匝名曰歲歲從一辰日不得空周天則歲無由超辰案百七十一歲二蔀一章小餘六十三自然之數也夫數出於杪眇以成毫釐毫釐積累以成分寸兩儀既定日月始離初行生分積分成度日行一度一歲而周故爲術者各生度法或以九百四十或以八十一法有細穊以生兩科其歸一也日法者日之所行分也日

垂令明行有常節日法所該通遠無已損益毫釐差以千里自此言之數無緣得有虧棄之意也今欲飾平之失斷法垂分恐傷大道以步日月行度終歲不同四章更不得朔餘一雖言九道去課進退恐不足以補其闕且課秣之法晦朔變弦以月食天驗昭著莫大焉今以去六十三分之法爲秣驗章和元年以來日變二十事月食二十八事與四分秣更失定課相除四分尙得多而又使近孝章皇帝秣度審正圖儀晷漏與天相應不可復尙文曜鉤日高辛受命重黎說文唐堯卽位羲和立禪夏后制德昆吾列神成

周改號萇弘分官運斗樞曰常占有經世史所明洪
範五紀論曰民間亦有黃帝諸秣不如史官記之明
也自古及今聖帝明王莫不取言於羲和常占之官
定精微於暑儀正衆疑祕藏中書改行四分之原及
光武皇帝數下詔書草創其端孝明皇帝課校其實
孝章皇帝宣行其法君更三聖年秣數十信而徵之
舉而行之其元則上統開闢其數則復古四分宜如
甲寅詔書故事奏可

靈帝熹平四年五官郎中馮光沛相上計掾陳晃言
秣元不正故妖民叛寇益州盜賊相續爲秣用甲寅

爲元而用庚申圖緯無以庚爲元者近秦所用代周
之元太史治秣郎中郭香劉固意造妄說乞與本庚
申元經緯有明受虛欺重誅乙卯詔書下三府與儒
林明道者詳議務得道真以羣臣會司徒府議議郎
蔡邕議以爲秣數精微去聖久遠得失更迭術數無
常是以承秦秣用顓頊元用乙卯百有二歲孝武皇
帝始改正朔秣用太初元用丁丑行之百八十九歲
孝章皇帝改從四分元用庚申今光晁各以庚申爲
非甲寅爲是案秣法黃帝顓頊夏殷周魯凡六家各
自有元光晁所據則殷秣元也他元雖不明於圖讖

各家術皆當有效於其當時黃帝始用太初丁丑之

元

注曰黃帝當是武帝之譌

有六家紛錯爭訟是非太史令張壽

王挾甲寅元以非漢秣雜候清臺課在下第卒以疏

闊連見劾奏太初效驗無所漏失是則雖非圖讖之

元而有效於前者也及用四分以來考之行度密於

太初是又新元效於今者也延光元年中謁者竄誦

亦非四分庚申上言當用命秣序甲寅元公卿百寮

叅議正處竟不施行且三光之行遲速進退不必若

一術家以算追而求之取合於當時而已故有古今

之術今之不能上通於古亦猶古術之不能下通於

今也元命苞乾鑿度皆以爲開闢至獲麟二百七十

六萬歲及命秣序積獲麟至漢起庚午部之二十三

歲竟己酉戊子及丁卯部六十九歲合爲二百七十

五歲漢元年歲在乙未上至獲麟則歲在庚申推此

以上上極開闢則不在庚申

注曰不在當作復在上
文云二百七十六萬歲

尋之上行復識雖無文其數見存而光晃以爲開闢

至獲麟二百七十五萬九千八百八十六歲獲麟至

漢百六十一歲轉差少一百一十四歲

注曰庚申元
開闢至獲麟

二百七十六萬歲獲麟至漢元年二百七十五歲并

之得開闢至漢元年二百七十六萬二千八百八十五歲
甲寅元開闢至獲麟二百七十五萬九千八百八十
六歲獲麟至漢亦二百七十五歲并之得開闢至漢

元年二百七十六萬一百六十一歲立元不同故積
年不合邕於甲寅元開闢至漢元年數內減去庚申
元開闢至獲麟年數餘一百六十一為獲麟至漢元
年數因謂光晃差少一百一十四歲此巧辭相詆非
理實也云當滿足則上違乾鑿度元命苞中使獲麟不

得在哀公十四年下不及命秣序獲麟漢相去四部

年數與奏記譜注不相應當今秣正月癸亥朔

注曰案通

鑑日錄熹平五年

光晃以為乙丑朔

注曰置熹平五年人殷術壬午

丙辰正月癸亥朔

部七十年以章月乘之得一萬六千四百五十如章

歲而一得積月八百六十七以部日乘之得二千四百六萬

得積月八百六十七以部日乘之得二千四百六萬

七千五百十三如部月而一得積日二萬五千六百三

小餘二百三十三以六十去積日得大餘四乙丑之

十三命壬年算外得熹平五年正月乙丑朔

與癸亥無題勒欵識可與眾共別者須以弦望晦朔

光冕虧滿可得而見者考其符驗而光冕秣以考靈曜二十八宿度數及冬至日所在與今史官甘石舊文錯異不可考校以今渾天圖儀檢天文亦不合於考靈曜光冕誠能自依其術更造望儀以追天度遠有驗於圖書近有效於三光可以易奪甘石窮服諸術者實宜用之難問光冕但言圖讖所言不服元和二年二月甲寅制書曰朕聞古先聖王先天而天不違後天而奉天時史官用太初鄧平術冬至之日日在斗二十二度而秣以爲牽牛中星先立春一日則四分數之立春也而以折獄斷大刑於氣已迓用望

平和蓋亦遠矣今改行四分以遵於堯以順孔聖奉天之文是始用四分秣庚申元之詔也深引河洛圖讖以爲符驗非史官私意獨所興構而光晃以爲固意造妄說違反經文謬之甚者昔堯命羲和秣象日月星辰舜叶時月正日湯武革命治秣明時可謂正矣且猶遇水遭旱戒以蠻夷猾夏寇賊姦宄而光晃以爲陰陽不和姦臣盜賊皆元之咎誠非其理元和二年乃用庚申至今九十二歲而光晃言秦所用代周之元不知從秦來漢三易元不常庚申光晃區區信用所學亦妄虛無造欺語之愆至於改朔易元往

者壽王之術已課之效亶誦之議不用元和詔書文
備義著非羣臣議者所能變易太尉耽司徒隗司空
訓以邕議劾光晃不敬正鬼薪法詔書勿治罪

太初秣推月食多失四分因太初法以河平癸巳爲

元注曰河平元年癸巳八四分術癸卯節第四章首故可爲月食元施行五年永元

元年天以七月後閏食術以八月注曰永元元年己丑距河平癸巳一

百一十六年以章月乘之得二萬七千二百六十如

章歲而一得積月一千四百三十四閏餘十四是年

閏七月以二十三乘積月得三萬二千九百八十二

盈百三十五去之餘四十二加二十三三者十得二百
七十二盈百三十五又去之餘二置加數其十二年
十命起十一月算外得八月是八月有食其十二年
注曰十二年當作二年與下十二日相涉誤衍十字
案下文云以緡法署施行五十六歲自永元二年至

本初元年正得五十六年故知十字衍也正月十二日蒙公乘宗紺上書

言今月十六日月當食而秣以二月

注曰置上食餘二加二十三

六得一百四十盈百三十五去之餘五置加數六命起八月算外得二月是二月有食

至期如

紺言太史令巡上紺有益官用除待詔甲辰詔書以

紺法署施行五十六歲至本初元年天以十二月食

秣以後年正月於是始差到熹平三年二十九年之

中先秣食者十六事常山長史劉洪土作七曜術甲

辰詔屬太史部郎中劉固舍人馮恂等課效復作八

元術固等作月食術並已相參固術與七曜術同月

食所失皆以歲在己未當食四月恂術以三月官秣

以五月太史上課到時施行中者丁巳詔書報可其
四年紺孫誠上書言受紺法術當復改今年十二月
當食而官秣以後年正月到期如言拜誠爲舍人丙
申詔書聽行誠法光和二歲在己未三月五月皆
陰太史令修部舍人張恂等推計行度以爲三月近
四月遠誠以四月奏廢誠術施用恂術其三年誠兄
整前後上書言去年三月不食當以四月史官廢誠
正術用恂不正術整所上正屬太史太史主者終不
自言三月近四月遠食當以見爲正無遠近詔書下
太常其詳案注記平議術之要效驗虛寔太常就耽

上選侍中韓說博士蔡較穀城門侯劉洪右郎中陳

調於太常府覆校注記平議難問恂誠各對恂術以

五千六百四十月有九百六十一食

注日置五十六百四十月以二

十三乘之得一十二萬九千七百二十如百三十五而一得九百六十食不盡一百二十今云九百六十一食是恂術較舊法爲強也爲法而除成分空加縣法推建武以

來俱得三百二十七食其十五食錯案其官素注天

見食九十八與兩術相應其錯辟二千一百誠術以

百三十五月二十三食爲法乘除成月從建康以上

減四十一建康以來減三十五以其俱不食恂術改

易舊法誠術中復減損論其長短無以相踰各引書

緯自證文無義要取追天而已夫日月之術日循黃道月從九道以赤道儀曰冬至去極俱一百一十五度其入宿也赤道在斗二十一而黃道在斗十九兩儀相參日月之行曲直有差以生進退故月行井牛十四度以上其在角婁十二度以上皆不應率不行以是言之則術不差不改不驗不用天道精微度數難定術法多端秭紀非一未驗無以知其是未差無以知其失失然後改之是然後用之此謂允執其中今誠術未有差錯之謬恂術未有獨中之異以無驗改未失是以檢將來爲是者也誠術百三十五月月

二十三食其文在書籍學者所修施行日久官守其業經緯日月厚而未愆信於天文述而不作恂久在候部詳心善意能揆儀度定立術數推前校往亦與見食相應然協秣正紀欽若昊天宜率舊章如甲辰丙申詔書以見食爲比今宜施用誠術棄放恂術史官課之後有效驗乃行其法以審術數以順改易眈以說等議奏聞詔書可恂整誠各復上書恂言不當施誠術整言不當復棄恂術爲洪議所侵事下永安臺覆實皆不如恂誠等言劾奏謾欺詔書報恂誠各以二月奉贖罪整適作左校二月遂用洪等施行誠

術光和二萬年公乘王漢上月食注自章和元年
到今年凡九十三歲合百九十六食與官秣河平元
年月錯以己巳爲元事下太史令修上言漢所作注
不與見食相應者二事以同爲異者二十九事尙書
召穀城門候劉洪勅曰前郎中馮光司徒掾陳晃各
訟秣故議郎蔡邕共補續其志今洪其詣修與漢相
參推元謂分考校月食審己巳元密近有師法洪便
從漢受不~~以~~到洪上言推元漢己巳元則考靈曜旃
蒙之歲乙卯元也與光晃甲寅元相經緯於以追天
作秣校三光之步今爲疏闊孔子緯一事見二端者

明秣興廢隨天爲節甲寅秣於孔子時效己巳顓頊
秦所施用漢興草創因而易至元封中迂闊不審
更用太初應期三百改憲之節甲寅己巳讖雖有文
略其年數是以學人各傳所聞至於課校罔得厥正
夫甲寅元天正正月甲子朔旦冬至七曜之起始用
牛初乙卯之元人正己巳朔旦立春三光聚天廟五

度課兩元端閏餘差百五十二分之三

注曰案顓頊術乙卯元所

起在殷術甲寅元後六十一年置六十一年以章月
乘之得一萬四千三百三十五如章歲而一得積月
七百五十四閏餘十九分之九子母各以十二通之
得二百二十八分之一百八此閏餘爲冬至去天正
朔之數以月閏七兩度加之得閏餘二百二十八分
之一百二十二此閏餘爲雨水去人正朔之數又案

此閏餘滿二百二十八成月則二百二十八即一月
積分加月閏七得二百三十五即一中積分半之得
一百一十七半即一氣積分置人正閏餘雨水去朔
二百二十八分之八分之二以二氣積分一百一
十七半減之得閏餘二百二十八分之四半此閏餘
爲立春去人正朔之數子母各以一半約之得一百
五十二分之三即兩朔三百四注日置上積月七百
元端之閏餘差也朔三百四五十以四積月七百
得二千九十三萬二百八十六如蔀月而一得積日
二萬二千二百六十六小餘二百四十六以六十去
積日得天正朔大餘六十六小餘二百四十六以一
餘二十九小餘四百九十九兩度加之得人正朔大
餘五小餘三百四命大餘甲子算外得人正己已朔
與顓頊術元首日名同而多小餘三百四十四是朔
百四也中節之餘二十九注日置上六十一一年以日餘
也中法而一得大餘三百二十小餘八八大餘滿六十去
之得冬至大餘二十小餘八以一氣大餘十五小餘
七三度加之得立春大餘五小餘二十九命大餘甲
子算外得己巳立春亦與顓頊術元首日名同而多

小餘二十九是中節
之餘差二十九也

以效信難聚漢不解說但言先
人有書而已以漢成注參官施行術不同二十九事
不中見食二事案漢習書見己巳元謂朝不聞不知
聖人獨有興廢之義史官有附天密術甲寅己巳前
以施行效後格而已不用河平疏闊史官已廢之而
漢以去事分爭殆非其意雖有師法與無同課又不
近密其說部數術家所共知無所采取遣漢歸鄉里

四分術上畢

甘泉老友江藩校

漢四分術中

李銳述并注

昔者聖人之作秬也觀璇璣之運

注曰璇璣北極也

三光

之行

注曰三光日月星

道之發歛

注曰道謂黃道發發南歛歛北

景之長短

注曰冬至至表景長夏至至表景短

斗綱之建

注曰所以定月位也

青龍所躔

注曰所以

定歲名也青龍歲星也歲星與日同次之月斗所建之辰為太歲四分術無超辰之法太歲不與歲星相應此依古法言之參伍以變錯綜其數而制術焉天之動也

一晝一夜而運過周

注曰謂自夜半至夜半天運過周所過者日所行也

星從

天而西

注曰星恒星也

日遶天而東日之所行與運周在天

成度在秬成日

注曰日夜半加正北與天運而西復加正北為一日其所東行為一度

居以列宿終于四七注日四七二十八宿也受以甲乙終于六

旬注日甲子至癸亥六十日日月相推日舒月速當其同謂之合

朔舒先速後近一遠三謂之弦注日一謂四分周天之一三謂四分周天

之三月在日前四分周天之一謂上弦注在日後四分周天之一謂下弦相與爲衡分天

之中謂之望注日周天三百六十五度四分一分天之中謂月去日一百八十二度八分度

之以速及舒光盡體伏謂之晦晦朔合離斗建移辰

謂之月注日舊脫月字從錢詹事增辰謂十二辰日月之行注日行舊誤術則有

冬有夏冬夏之間則有春有秋是故日行北陸謂之

冬西陸謂之春南陸謂之夏東陸謂之秋日道發南

去極彌遠其景彌長遠長乃極冬乃至焉日道歛北

去極彌近其景彌短近短乃極夏乃至焉二至之中

道齊景正

注日道齊南北之中景正長短之中

春秋分焉日周于天一

寒一暑四時備成萬物畢改攝提遷次

注日歲星與日同次之月

斗所建遷一次

青龍移辰謂之歲歲首至也

注日至冬至也

月首朔

也至朔同日謂之章

注日章首至朔加時同

同在日首謂之蔀

注日日首謂夜半也至朔加時同在夜半

蔀終六旬謂之紀

注日至朔同在夜半日名

又直甲子

歲朔又復謂之元

注日蔀終六旬歲名又直庚辰

是故日以實

之月以閏之時以分之歲以周之章以明之蔀以部

之紀之記之元以原之然後雖有變化萬殊羸朒無

方莫不結系于此而稟正焉極建其中道營于外璇

衡追日以察發歛

注曰舊脫發字從錢詹事增

光道生焉

注曰光道黃道

也光黃古通

孔壺爲漏浮箭爲刻下漏數刻以考中星昏

明生焉日有光道月有九行

注曰九行謂青道二朱道二白道二黑道二并

黃道而九九行出入而交生焉

注曰出入出入於黃道也自北而南爲出自南而北

爲朔會望衡鄰於所交虧薄生焉

注曰朔近交則日食望近交則月食

月有晦朔星有合見

注曰合如朔伏如晦見去日與伏等

月有弦望星

有留逆

注曰留如弦逆如望

其歸一也步術生焉金水承陽先

後日下

注曰不能與日爲衡故先後日下

速則先日

注曰夕見也

遲而後

留留而後逆逆與日違

注曰晨見也

違而後速速與日競

競又先日遲速順逆晨夕生焉日月五緯各有終原

而七元生焉

注曰七元謂日月五星之元

見伏有日畱行有度而

率數生焉參差齊之多少均之

注曰如日行四歲之終月行十九歲一終

均齊於七十六歲日行十九終月行四終是也

會終生焉引而伸之觸而長

之探賾索隱鉤深致遠無幽辟潛伏而不以其精者

然故陰陽有分寒暑有節天地貞觀日月貞明若夫

祐術開業淳耀天光重黎其上也承聖帝之命若昊

天典秣象三辰以授民事立閏定時以成歲功羲和

其隆也取象金火革命創制治秣明時應天順民湯

武其盛也及王德之衰也無道之君亂之於上頑愚

之吏失之於下夏后之時羲和淫湎廢時亂日允乃

征之紂作淫虐喪其甲子武王誅之夫能貞而明之者其興也勃焉回而敗之者其亡也忽焉巍巍乎若道天地之綱紀帝王之壯事是以聖人寶焉君子勤之夫秣有聖人之德六焉以本氣者尙其體以綜數者尙其文以考類者尙其象以作事者尙其時以占往者尙其源以知來者尙其流大業載之吉凶生焉是以君子將有興焉咨焉而以從事受命而莫之違也若夫用天因地揆時施教頒諸明堂以爲民極者莫大乎月令帝王之大司備矣天下之能事畢矣過此而往羣忌苟禁君子未之或知也斗之二十一度

注日不言四分一省文

去極至遠也日在焉而冬至羣物於是

平生故律首黃鍾秣始冬至月先建子時平夜半當

漢高皇帝受命四十有五歲陽在上章陰在執徐注日

文帝後元三年庚辰也

冬十有一月甲子夜半朔旦冬至日月

閏積之數皆自此始立元正朔謂之漢秣

注日月閏積

之又上兩元而月食五星之元並發端焉

注日元法四千五百

六十兩之得九千一百二十從文帝後元三年推而

上之九千一百二十歲歲在庚辰為上元月食日月

食諱之也秣數之生也乃立儀表

注日儀謂渾儀表謂圭表

校日景

注日景謂日中表景

景長則日遠

注日遠遠於極也冬至景最長日去極最

遠

天度之端也

注日術始冬至故以冬至日所在為天度之端

日發其端周

而為歲

注曰日一周
天為一歲

然其景不復

注曰冬至小餘四
不同故景不復

周千四百六十一日而景復初

注曰日以夜半冬至
發度端凡四周一千

四百六十一日復以夜半
冬至復於度端故景復初

是則日行之終以周除日

得三百六十五四分度之一為歲之日數

注曰一歲
三百即四

歲故以周除日所
得為歲之日數

日日行一度亦為天度

注曰一歲
三百六十

五日四分日之一即為周天
三百六十五度四分度之一

察日月俱發度端日行

十九周月行二百五十四周復會于端

注曰復合
朔於度端是

則月行之終也以日周除月周得一歲周天之數

注曰

日行十九周即十九歲故以日周除月周得
十三十九分之七為一歲月行周天之數

以日一

周減之餘十二十九分之七則月行過周及月行之

數也

注日月行過周及日去日一周也以一歲日行

數為一歲之月

注日月行去日周數即一歲月數以除

一歲日為一月之數

注日置一歲月十三十九分之

十五又以日分母四通之得九百四十為法置一歲

日三百六十五四分一以四通分內子得一千四百

六十一又以月分母十九通之得二萬七千七百五

十九為實以法除實得二十九九百四十分之四百

九十九為月之餘分積滿其法得一月月成則其歲

一月日數

月大積滿十九歲十二月其餘分十九分之七餘分四

時推移故置十二中以定月位

注日中謂冬至大寒

位如冬至在其月為十一月建子有朔而無中者為

大寒在其月為十二月建丑是也

閏月

注日月無中中之始日節雪小寒之等別周天

為十二次日至其初為節至與中為二十四氣以除

其中為中氣故節為中之始注曰置二十四氣三百六

一歲日為一氣之日數也注曰置二十四分一各以分母

四通之得九十六氣一千四百六十一日兩數更相

減損求得等數三以約九十六氣得三十二為法以

約一千四百六十一日得四百八十七為實其分積

法除實得十五三十二分之七為一氣日數注曰一氣

而成日為沒并歲氣之分如法為一歲沒注曰一氣

滿其法三十二成一日是為沒日并一歲二十四氣

餘分得一百六十八如法三十二而一得五三十二

分之二為沒分于終中注曰于終當作終于三十二

一歲沒注曰于終當作終于三十二

十二半之得積中十中終于冬至注曰中氣始于冬

六故日沒分終于中注曰中氣始于冬

日中終冬至之分積如其法得一日四歲而終注曰

于冬至注曰

餘分四之一積四歲餘分滿月分成閏閏七而盡其

其法得一日故四歲而終

月分成閏閏七而盡其

歲十九名之曰章

注曰一歲月餘分七積十九歲得餘分一百三十三滿其法十九成

七閏而餘分盡故以十九歲為章

章首分盡四之俱終名之曰蔀

注曰

分盡月分盡也冬至之分四歲一終月分十九歲一

終以四乘十九得七十六歲冬至之分十九終月分

四終故名

以一歲日乘之為蔀之日數也以甲子命

之曰蔀

之二十而復其初是以二十蔀為紀

注曰置一蔀七十六歲以一歲

三百六十五日四分一通分內子得一千四百六十

一日乘之得十一萬一千三十六以分母四除之

得二萬七千七百五十九為蔀之日數以甲子六十

去之餘三十九命甲子算外得癸卯是日名未復初

以六十與二萬七千七百五十九求得等數三以約

六十得二十以二十乘二萬七千七百五十九日得

五十五萬五千一百八十日以六十去之盡日名復

於甲子以二十乘一蔀七十六歲得一千五百二十

歲故以一千五紀歲青龍未終三終歲後復青龍為

百二十歲為紀

紀歲青龍未終三終歲後復青龍為

元注曰一紀一千五百二十歲以六十去之餘二十

命起庚辰算外得庚子是歲名未復以六十與一

千五百二十求等數得二十以約六十得三以乘一

千五百六十歲得四千五百六十歲以六十去之盡

歲名復於庚辰故以四

千五百六十歲為元

元法四千五百六十注曰日分月分日名歲名俱終

之歲數也三紀為元積六十

章

紀法千五百二十注曰日分月分日名俱終之歲

紀月萬八千八百注曰以二十章為紀積八十章

紀法七十六注曰日分月分俱終

之歲數也四章為章

章法十九注曰以一章章數

終之歲數也

章月二百三十五

注曰以日行十九周減月行一百五十四周餘為章月以章法除之

得十二十九分之七為一歲月數則此章月又為一歲積月分章法又為一月積分

周天千四百六十一

注曰四歲之日數也又為四歲日行之度數以日法除之得三百六十五四分之

此周天又為一歲積日分又為周天積度分日法又為一日積分又為一度積分案日日行一度

日數即度數一日周天一日日法互文也

日法四

注曰日分一終之歲數也又為日行一終之周數

部日二萬七千七百五十九

注曰置周天為四歲日數以章法十九歲乘之

得部日以部月除之得二十九百四十分之四百

九十九為一月日數又為一月日行度數則此部日

又為一月積日分又為一月日行積度分部月又為

一日積分又為一度積分又以部法除之得三百六

十五七十六分之一十九即四分之

則此部日又為周天積度分部法又為一度積分

沒數二十一為章閏

注曰四歲之沒數也置周天以六十去之餘為沒數以日法除

之得五四分之一為一歲沒數則此沒數又為一歲積沒分日法又為一沒積分又此沒數即四歲之大

餘此五日四分一即一歲之大小餘也為章閏三字衍文

通法四百八十七

注曰三十二氣之日數也又為沒分一終之日數置二十四氣三百

六十五日四分日之一五沒四分沒之一各以四通之得九十六氣千四百六十一日二十一沒三數求

等得三以約氣得中法約日得通法約沒得沒法是為三十二氣有四百八十七日七沒也以中法除之

得十五三十二分之二為一氣日數則此通法又為一氣積日分中法又為一日積分以沒法除之得六

十九七分之二為一沒日數則此通法又為一沒積日分沒法又為一日積分

沒法七因為章閏

注曰沒法沒分一終之閏數也置一章十閏月分一終之閏數也置一章十

九歲以十二月乘之得二百二十八以減章月餘為章閏月分一終有閏月七沒分一終有沒日七其數

同故沒法卽爲章閏一氣日餘分滿法成日謂之沒一歲月餘分滿法成月謂之閏其義一也

日餘百六十八

注曰一歲二十四氣之積日餘也一氣日餘三十二分之七以二十四乘

之得日餘以中法除之得五三十二分之八卽四分之
之一爲一歲大小餘命日餘爲大餘命中法爲歲數
是爲三十二歲有大餘百六十八也案以日法除
沒數卽得一歲大餘五小餘四分一推冬至不以日
法沒數者緣末二十四氣以中法爲母故推冬至亦
以中法爲母日法爲年率則沒數爲大餘率中法爲
年率則日餘爲大餘
率其相與之率同也

中法三十二

注曰日分一終之氣數也又爲沒分一終之氣數

大周三十四萬三千三百三十五

注曰亦周天也以章月乘周天得大

周以蔀月除之得三百六十五九百四十分之二百
三十五卽四分之
一爲一歲日數又爲周天度數是
大周亦爲一歲積日分亦爲周天積度分以蔀月爲
法者章月通周天爲大周章月通日法爲蔀月故也

又以蔀日除之得十二二萬七千七百五十九分之一萬二百二十七卽十九分之二爲一歲月數是大周亦爲一歲積月分以蔀日爲法者周天通章月爲大周周天通章法爲蔀日故也爲算之道有繁有約繁而言之爲大周約而言之爲周天繁則分細如九百四十之二百三十五是也約則分簡如四分之一是也故以率相除大歸是一兩設其率分可約者用約分須通者用繁便於籌策而已又以蔀月除蔀日得一月之日以蔀月除大周得一歲之日則氣朔通爲一法此大周若麟德術以後之歲實蔀月若日法蔀日若朔實矣

月周千一十六

注曰一蔀之月周數也一章月行二百五十四周爲日行一終之周數以

一蔀章數四乘之得月周以蔀法除之得十三七十六分之二十八卽十九分之七爲一歲月行周數約周爲度卽爲一日月行積度則此月周又爲一日月行積度分

月食數之生也乃記月食之旣者

注曰上元之首日月合如璧交正在

朔也令加時在晝是為率二十三食而復既其月百

日食既故日記其既者注曰月下舊衍食字今從錢詹事剛月道半

三十五在黃道外半在黃道內月行出入黃道則有

兩交日行自此交至彼交為一食計一百終率之相除

三十五月日行二十三當交而食分一終注曰日行自此交至

得五月二十三之二十而一食彼交中間積五月二

十三分月之二十於今有術二十三為食率百三十

五為月率一食為所有數而今有之得一食積月一

省不乘故日率之相除又日行一歲一周積月十二

十九分之七半之得六月三十八分之七為日行半

周天月數今此日行自此交至彼交為日行交半周

得五月二十三分之二十課於日行半周天月數不

足八百七十四分月之二百以除一歲之月得歲有

七十五者緣交有退行故也

再食五百一十三分之五十五也注曰置一歲月十

十九通分內子得二百三十五又以食月分母二十

三通之得五千四百五為一歲積月分又置一食積

五月二十三分之二十以二十三通分內子得一百
三十五又以歲月分母十九通之得二千五百六十
五爲一食積月分兩數求等得五以約一歲積月分
得一千八十一爲寔以約一食積月分得五百一十
三爲法法除實得二百五十一十分終其法注曰置食
三十分之五十五爲一歲食數
一十三分之五十五爲一歲數一各以五百一十三通之
食得一千八十一歲得五百一十三是爲五百一十
三歲有一千八十一食也置五百一十三歲以章法
除之得二十七章以二十七乘章月得六千三百四
十五是爲六千三百四十五月有一千八十一食也
又置六千三百四十五月以百三十五月除之得食
分四十七終是五百一十三因以與蔀相約得四與
歲月分與食分俱復於上元
二十七互之會二千五十二注曰置五百一十三歲
分未終故求與蔀俱終之歲數置五百一十三與蔀
法七十六求等數得十九以約蔀法七十六得四以
約五百一十三歲得二十七故曰得四與二十七互
之者互乘之也四爲七十六約數以乘五百一十三

得二千五十二二十七為五百一十三約二十而與
數以乘七十六亦得二千五十二為蔀會二十而與

元會

注曰二十蔀而日名復於甲子故亦以二十乘之置蔀會二千五十二以二十乘之得四萬一

千四十為元會案二十蔀為紀則二十蔀會當為紀
會云元會者置四萬一千四十以歲名六十除之亦
盡是歲名日名俱復於上元
故即以為元會更無紀會也

元會四萬一千四十

注曰日分月分日名歲名食分俱終之歲數也二十蔀會為元

會積九元二十七紀五百四十蔀二千一百六十章

蔀會二千五十二

注曰日分月分食分俱終之歲數也積二十七蔀一百八章

歲數五百一十三

注曰月分食分俱終之歲數也積二十七章

食數千八十一

注曰以歲數除之得二五百一十三分之五十五為一歲食數則此食數

又為一歲積食分歲數又為一食積分

月數百三十五

注曰食分一終之月數也以食法除之得五十三分二十為一食月數

則此月數又為一食之積月分食法又為一月積分

食法二十三

注曰食分一終之食數也

推入蔀術曰以元法除去上元

注曰謂置上元庚辰以來盡所求年以元

法除去之也所除去者已往之積元前元與後元其日分月分歲名日名並同數有重疊故須去之

餘以紀法除之

注曰除之亦是除其重疊前紀與後紀日分月分日名並同滿元法徑去

之不計所得數故曰除去所得數從天紀算外則所

入紀也

注曰紀首歲名未復故求所入紀天紀元首紀名也所得者為已往之紀數故算外得所

求無所得為天紀得不滿紀法者入紀年數也以蔀一為地紀二為人紀

去除之

注曰前蔀與後蔀日分月分同故亦須除之

所得數從甲子蔀起

算外所入紀歲名命之算上卽所求年太歲所在日

注

算外下有脫文當云算外所入蔀也不滿蔀法者入蔀年數也各以所入紀歲名命之算上卽所求年太歲所在蔀首日名未復故須求所入蔀甲子元首蔀名也算外爲所入蔀者如得一爲入癸卯蔀二爲入壬午蔀是也天地人三紀歲名不同故各以所入紀命之如入天紀甲子蔀命庚辰地紀甲子蔀命庚子是也入蔀年爲盡所求之算故算上卽得所求

推月食所入蔀會年以元會除去上元其餘以蔀會

除之

注日與上術同意

所得以二十七乘之

注日蔀會積二十七蔀以蔀會

除元會餘所得爲積蔀會數以二十七乘之得積蔀數月食所入蔀會與入蔀不同今卽以蔀首之次命蔀會故須通積滿六十除去之
注日六十蔀爲一元
蔀會爲積蔀
猶以元法餘以二十除
注日二十蔀爲
紀猶以紀法除
所得數從天

紀算之起外所以入紀注曰錢詹事曰之起以三字皆衍文或云起當在歲上

不滿二十者數從甲子部起算外所入部會也其初

不滿部位者入部會年數也各以所入紀歲名命之

注曰所舊誤不從錢詹事改算上卽所求年部注曰卽所求年部當作卽所求年太

歲所在

天紀歲名 地紀歲名 人紀歲名 部首

甲子 庚辰 庚子 庚申 一

癸卯 丙申 丙辰 丙子 二

壬午 壬子 壬申 壬辰 三

辛酉 戊辰 戊子 戊申 四

庚子

甲申

甲辰

甲子

五

乙卯

庚子

庚申

庚辰

六

戊午

丙辰

丙子

丙申

七

丁酉

壬申

壬辰

壬子

八

丙子

戊子

戊申

戊辰

九

乙卯

甲辰

甲子

甲申

十

甲午

庚申

庚辰

庚子

十一

癸酉

丙子

丙申

丙辰

十二

壬子

壬辰

壬子

壬申

十三

辛卯

戊申

戊辰

戊子

十四

庚午 甲子 甲申 甲辰 十五

己酉 庚辰 庚子 庚申 十六

戊子 丙申 丙辰 丙子 十七

丁卯 壬子 壬申 壬辰 十八

丙午 戊辰 戊子 戊申 十九

乙酉 甲申 甲辰 甲子 二十

注曰錢詹事曰右歲名日名今本皆失其次為更正
如此自庚辰至甲申天紀二十蔀蔀首歲名也自庚
子至甲辰地紀二十蔀蔀首歲名也自庚申至甲子
二紀二十蔀蔀首歲名也自甲子至乙酉每紀二十
蔀蔀首天正朔旦冬至之日名因為蔀名也下一至
二十則蔀首之次第一紀之中各有二十蔀故以次
列之銳案求蔀首日名法置蔀日二萬七千七百五
十九以六十去之餘三十九日命元首甲子算外得

癸卯求次部復置三十九日命癸卯算外得壬午它
皆倣此求每紀部首歲名法置部法七十六以六十
去之餘十六年命元首庚辰算外得丙申求次
部復置十六年命丙申算外得壬子它皆倣此

推天正術置入部年減一

注曰入部年為盡所求之
算減一者外所求也求氣

朔者算盡往年即
得其年故須減一

以章月乘之滿章法得一名為積

月不滿為閏餘

注曰此今有術也章法為所有年率
章月為所求月率置所有入部年而

今有之得
所求積月

十二以上其歲有閏

注曰一歲閏餘七以
減章法十九餘十二

令歲前有閏餘十二加其歲閏餘七得十
九滿章法成一月其歲有十三月故有閏

推天正朔日置入部積月以部日乘之滿部月得一

名為積日不滿為小餘

注曰亦今有術也部月為月
率部日為日率置入部月數

而今有之
得積也

積日以六十除去之

注曰六十日甲子
復亦是去其重疊其

餘爲大餘以所入蔀名命之算盡之外則前年天正

十一月朔日也小餘四百四十一以上其月大注曰四百

四十一朔虛分也一月小餘四百九十九以減蔀月九百四十餘四百四十一合前月小餘四百四十一

加其月小餘四百九十九得九百四十滿蔀月成一日則其月有三十日故月大

求後月朔加大餘二十九小餘四百九十九注曰以蔀月除

蔀日得大餘二十九小餘滿蔀月得一上加大餘命小餘四百九十九

之如前

一術以大周乘年周天乘減之餘滿蔀日則天正朔

日也注曰錢詹事曰此有脫誤依法推之當以大周乘入蔀年又以周天乘閏餘減之餘滿蔀月得

一爲積日滿六十去之其餘爲大餘以所入蔀名命之算外卽天正朔日周天乘下脫閏餘二字蔀日當

作蔀月大周者章月乘周天之數閏餘則不滿章法
之分以周天乘之則分母相同故可相減以大周乘
入蔀年以蔀月除之所得即天正冬至日然惟章首
之歲冬至與朔同日常歲冬至後於朔由閏餘所積
故以閏餘爲日分減
之而得天正朔日也

推二十四氣術曰置入蔀年減一以日餘乘之滿中

法得一名曰大餘不滿爲小餘

注日日餘爲一歲大餘之積分以乘入蔀

年得入蔀以來大餘之積分滿中法得一爲入蔀以來之大餘及小餘

大餘滿六十除

去之其餘以蔀名命之算盡之外則前年冬至之日

也

求次氣加大餘十五小餘七

注日中法除通法得大餘十五小餘七除

命之如前小寒日也

推閏月所在以閏餘減章法餘以十二乘之滿章閏

數得一

注曰閏餘為前閏到年前十一月之閏分以閏餘減章法餘為十一月後到所求閏之閏

分一歲有閏餘七以十二月通之則為一月有閏餘

七置十一月後到所求閏之閏分以十二乘之即如

以十一月後到所求閏之月數乘每滿四以上亦得

月閏餘七也故滿章閏七得一月
一 注曰於術滿半已上亦得一 算之數從前年十一

月起算盡之外閏月也或進退以中氣定之 注曰以中氣定

之者以無中氣者為閏月氣有減沒朔有兩月頻大故閏有進退

推弦望日因其月朔大小餘之數皆加大餘七小餘

三百五十九四分三

注曰置蔀日二萬七千七百五十九以四除之得六千九百三

十九四分三以蔀月除之得大 小餘滿蔀月得一

餘七小餘三百五十九四分三

加大餘大餘命如法得上弦又加得望次下弦又後

月朔其弦望小餘二百六十以下

注曰冬至夜漏刻五十五以節月乘

之百刻而一得五百一十七為自昏到明之日分半之得二百五十八半為自夜半到明之日分云二百

六十就成數言以冬至為例者冬至每以百刻乘之滿

至夜漏極長餘氣皆短於冬至

節月得一刻注曰節月為一日之積分百刻為一日刻數於今有術節月為日分率百刻為

刻率置所有日分而不滿其所近節氣夜漏之半者

今有之得所求刻數注曰所舊作數聲之譌以算上為日

推沒減術置入節年減一以沒數乘之滿日法得一

名為積沒不滿為沒餘

注曰於今有術日法為年率沒數為沒率置入節年而今

有之得積沒以通法乘積沒滿沒法得一名為大餘不盡

爲小餘

注曰於今有術沒法爲沒率通法爲大餘滿大餘率置積沒數而今有之得大餘

六十除去之其餘以部名命之算盡之外前年冬至

前沒日也

求後沒加大餘六十九小餘四

注曰沒法除通法得大餘六十九小餘四

小餘滿沒法從大餘命之如前無分爲減

注曰沒日無餘分則

爲減日計三十二氣有沒日六減日一

一術以十五乘冬至小餘以減通法除滿沒法得一

則天正後沒也

注曰一氣沒分七以一氣日數十五通之是爲一日有沒分七冬至小餘

爲前沒到年前冬至之積沒分以一氣日數乘之卽如以前沒到年前冬至之日數以每日沒分七乘之也通法爲前沒到後沒之積日分滿沒法成一曰故以減通法餘爲冬至後到所求沒之積日分滿沒法

得一爲冬至後到所求沒之日
數以冬至命之算外卽後沒也

推合朔所在度置入蔀積月以蔀日乘之滿大周除

去之其餘滿蔀月得一名爲積度不盡爲餘分注曰蔀日

爲一月日行積度分以乘入蔀積月爲入蔀以來到
所求合朔加時之積度分滿大周去之餘爲所求年

前冬至加時到合朔加時之積度分滿蔀月得一爲
積度及度餘分此以蔀月爲度法故以大周爲周天

分滿周天復從度端起故須去之積度加斗二十一度加二百三十

五分注曰加斗二十一度及分則命度起斗初錢詹

十五卽四事曰此以蔀月爲度法九百四十分之二百三
分之一也以宿次除之不滿宿注曰謂不滿其宿度數則日月

合朔所在星度也

求後合朔加度二十九加分四百九十九注曰卽一月大小餘

數分滿蔀月得一度經斗除二百三十五分注曰除迄斗度

亦除斗下分

一術以閏餘乘周天以減大周餘滿蔀月得一合以

斗二十一度四分一則天正合朔日月所在度注曰此與

推天正朔日一術同合猶并也九章算有合分術以蔀月為度法則四分一亦是二百三十五分

推日所在度置入蔀積日之數以蔀法乘之注曰日行一

度蔀法為一度積分即一滿蔀日除去之注曰此及推月所在

日日行度分故以蔀法乘其餘滿蔀法得一為積度不盡

為餘分積度加斗二十一度加十九分注曰十九分四分蔀法之

也一以宿次除去之則夜半日所在宿度也

求次日加一度求次月大加三十度小加二十九度

經斗除十九分

一術以朔小餘減合度分卽日夜半所在

注日小餘卽夜半到

合朔加時之日行分故以減合朔度分卽夜半日所在度分

其分二百三十五約

之十九乘之

注日此以蔀月分變從蔀法分也二百三十五爲章月十九爲章法章法章月

蔀法蔀月皆歲月相與之率也推日月所在度以蔀法爲度法故須變之

推月所在度置入蔀積日之數以月周乘之

注日月周爲一

日月行積度分故以乘

滿蔀日除去之其餘滿蔀法得一爲積

度不盡爲餘分積度加斗二十一十九分除如上法

則所求之日夜半月所在宿度也

求次日加十三度二十八分

注曰以蔀法除月周得一日月行十三度二十

八分求次月大加三十五度六十一分

注曰置三十日

三萬四百八十滿蔀日二萬七千七百五十九去之餘二千七百二十一以蔀法除之得三十五度六十

一分為月月小二十二度三十三分

注曰置月大加數三十五度六

十一分以一日月行十三度二十八分減之餘二十二度三十三分為月小加數

分滿法得

一度注曰法蔀法也經斗除十九分其冬下旬月在張心署

之謂盡漏分後盡漏盡也

注曰錢詹事日月在張心署之乾象景初術俱有此

文隋書刑法志陳制晦朔八節六齊月在張心日並不得行刑今術家以二十八宿配日月五星房昴虛

七星屬日心張危畢屬月銳案謂盡漏當作謂盡漏晝漏分後者晝漏與夜漏分之後謂自夜上水後至

夜漏盡月在張心則注於術故乾象景初術並云夕在張心署之

一術以蔀法除朔小餘所得以減日夜半度也餘以

減分卽月夜半所在度也

注曰以蔀法除蔀月得十二度二十八分爲一日月

行去日度小餘爲不滿蔀月之分以蔀法除之得夜半到合朔月行去日度卽爲夜半月去日度緣夜半有此去日度故合朔在夜半後合朔日月同度合朔以前月尙在日後故以減夜半日所在爲夜半月所在

推日明所入度分術曰置其月節氣夜漏之數以蔀

法乘之二百除之得一分卽夜半到明所行分也

注曰

蔀法爲一日日行分以百刻爲刻率蔀法爲行分率置夜半到明刻數而今有之得夜半到明日行分今以夜漏乘蔀法爲實夜漏爲夜半到明以增夜半日刻數之倍故亦倍百刻得二百爲法

所在度分爲明所在度分也

求昏日所入度以夜半到明日所行分減蔀法

注日減上

舊衍

其餘卽夜半到昏所行分也

注日夜半到明日所行分卽爲昏到

夜半日所行分故以減一日日所行分餘爲夜半到昏日所行分

以加夜半所在度分

爲昏日所在度也

推月明所入度分術曰置其節氣夜漏之數以月周

乘之以二百除之爲積分積分滿蔀法得一以增夜

半度卽明月所在度也

注日猶上術也

求昏月所入度以明積分減月周其餘滿蔀法得一

度加夜半則昏月所在度也

注日亦猶上術也

推弦望日所入星度術曰置合朔度分之數加七度

三百五十九分四分之三

注曰此猶推弦望日術也所加度分卽一弦之大小

餘宿次除之卽得上弦日所入宿度分也

求望下弦加除如前法小分滿四從大分大分滿部

月從度

注曰小分下舊脫滿字又脫大分二字今增

推弦望月所入星度術曰置月合朔度分之數加度

九十八加分六百五十三半

注曰一月月行過周及日以大周爲周天分部

日爲月行過周及日分相并得三十七萬一千九百四爲一月月行積分四除之得九萬二千七百七十

三半爲一弦月行積分滿部月得一得九十八度六

百五十三半爲一弦月行度數又可置大周以四除

之得八萬五千八百三十三四分三爲一弦月行去日積分滿部月得一得九十一度二百九十三四分

三爲一弦月行去日度加一弦日行七度三百五十九四分三亦得九十八度六百五十三半爲一弦月

行度以宿次除之卽上弦月所入宿度分也

數求望下弦加除如前分滿部月從度

推月食術曰置入部會年數減一以食數乘之滿歲

數得一名曰積食不滿爲食餘

注曰於今有術歲數爲年率食數爲食率

置入部會年數而今有之得積食

以月數乘積滿食法得一名爲積

月不滿爲月餘分

注曰於今有術食法爲食率月數爲月率置積食數而今有之得積

月積月以章月除去之其餘爲入章月數當先除入

章閏乃以十二除去之不滿者命以十一月算盡之

外則前年十一月前食月也

求入章閏者置入章月以章閏乘之滿章月得一則

入章閏數也

注曰於今有術章月為所有月率章閏為所求閏率入章月為所有月數而今

有之得所求閏數

餘分滿二百二十四以上至二百三十一

為食在閏月

注曰以章閏乘入章月是一月有閏分七推閏月所在滿四以上亦得一置章

月二百三十五減一月閏分七又減四餘二百二十四置二百二十四加一月閏分七得二百三十一閏有進退故餘分二百二十四至閏或進退以朔日定二百三十一皆為食在閏月

之

注曰即以中氣定之也

求後食加五月二十分

注曰以食法除月數得五月二十分滿法得一

月數命之如法

注曰滿法滿日法也

其分盡食算上

注曰食分盡則交正

在朔當日食既云月食算上者諱言日食故也

推月食朔日術曰置食積月之數以二十九乘之日

二十九一月之大餘也為積日又以四百九十九乘積月注日

之小餘也九十九一月滿滿蔀月得一以并積日以六十除之其

餘以所會蔀名命之算盡之外則前年天正前食月

朔日也

求日食加大餘十四小餘七百一十九半注日食日

蔀日半之得一萬三千八百七十九半以蔀望日也置小餘滿

月除之得大餘十四小餘七百一十九半蔀月為大餘大餘命如前則食日也

求後食朔及日皆加大餘二十七小餘六百一十五

注日加食朔得後食朔加食日得後食日置五月以二十九乘之得一百四十五為積日又以四百九十乘五月得二千四百九十五以蔀月除之得二以并積日得一百四十七以六十除去之餘二十七為

大餘不滿節月六其月餘分不滿二十者又加大餘

百一十五為小餘二十九小餘四百九十九注日月餘分後食之月餘分也一食月餘分二十月

餘分不滿二十此所不滿之數必并前食之月餘分成一月則前食至後食中間積六月故又加一月大

數小餘其食小餘者當以漏刻課之注日以推弦望夜日小餘術課之

漏未盡注日即是不滿夜漏之半以歲上為日

一術以歲數去上元注日謂置上元以來外所求年以歲數去之歲數為食分終亦

是去其餘以為積月注日此省文也以術為之當以章月乘餘年滿章法得一為積

重疊月不滿為閏餘以百一十二乘之滿月數去之餘滿食法得

一則天正後食注日以食法減月數餘一百一十二於術當以食法乘積月滿月數去之

不滿者反減月數餘滿食法得一月為天正後食今先以食法減月數即不須反減所得亦同食法乘積

月滿月數去之者月數為一食積月分食法為一月
積分以食法乘積月為積分滿一食積月分則去之
也不滿反減月數餘滿食法得一月者不滿月數之
餘為前食到天正之積月分以減一食積月分餘為
天正到後食之積月分故
滿一月積分成一月也

推諸加時

注曰氣朔月食並有加時故曰諸加時

以十二乘小餘先減

如法之半得一時其餘乃以法除之

注曰法謂小餘之母如朔則蔀

月氣則中法是也此於今有術法為所有日分率十
二為所求時率以小餘為所有日分數而今有之得
所求時數先減如法之半得一時者命起子所得算
半也夜半日加子之中故滿半法得一時
之數從夜半子起算盡之外則所加時也

推諸上水漏刻以百乘其小餘滿其法得一刻

注曰於今

有術法為日分率百為刻率小餘為分數而今有之得刻數

不滿法什之滿法得

一分

注曰什之上舊衍法字從錢詹事剛什之十乘之也什之滿法得一分則十分為一刻積

刻先減所入節氣夜漏之半其餘為晝上水之數過晝漏去之餘為夜上水數其刻不滿夜漏半者乃減

之

注曰以減夜漏之半也

餘為昨夜未晝其弦望其日

注曰晝當作晝

其弦望其日者弦望小餘所變之刻不滿夜漏半者以算上為日言若在弦望不為昨夜漏未盡為其日夜漏未盡也

四分術中畢

甘泉老友江藩校

一萬一千五百八十四

漢四分術下

李銳述并注

五星數之生也各記於日與周天度相約而為率

注

各記於日者各記於一合之日及分如木則三百九
十八日萬四千六百四十一分是也周天度者周天
三百六十五度四分一也相約而為率者率謂周率
日率置一合之日及分以日度法通日內分又以周
天度分母日法通之為積日分又置周天度及分以
日法通度內分又以星合日分母日度法通之為積
度分與積日分求等得數以約積日分得日率約積
度分得周率案日率者歲數也又為日行周數一合
日數即一合日行度數命度為周即日行周數故約
之為日率周率者合數也一合星去日一周天周天
度即去日一周度數亦命度為以章法乘周率為月
周即去日周數故約之為周率

法章月乘日率如月法為積月月餘

注日月法舊誤用法錢詹事曰

用當作月銳案周率爲積合率日率爲積年率又章
法爲積年率章月爲積月率求星合月者以日率集
積合爲實周率爲法所得爲積年也又以章月乘之
爲實章法爲法所得爲積月也是重今有也今不用
中間積年卽以後實乘前實後法乘前法而并除章
法乘周率爲月法者後法乘前法也章月乘日率者
如法得一合之積月不盡爲月餘以月之月乘積爲
朔大小餘注日當云以月之日乘爲八月日餘注日此有
脫文以算求之當以蒨日乘月餘以月法乘朔小餘
從之章法乘章月得數約之如日度法爲八月日
餘案周率爲積合率日率爲積年率又章法爲積年
率章月爲積月率又蒨月爲積月率蒨日爲積日率
求星合日者以日率乘積合爲實周率爲法所得爲
積年也又以章月乘之爲實章法爲法所得爲積月
也又以蒨日乘之爲實蒨月爲法所得爲積日也是
亦重今有也今不用中間積年積月卽以日率章月
蒨日相乘爲實周率章法蒨月相乘爲法而并除又
蒨日爲章法乘周天之數則以日率章月蒨日相乘

卽如以日率章月章法周天相乘也。蔀月爲日法乘
章月之數則以周率章法蔀月相乘卽如以周率章
法日法章月相乘也。此法實兩數中並有章法章月
各省不乘卽以日率乘周天爲實周率乘日法爲日
度法而并除積合一亦省不乘實如法得一合之積
日不盡爲日餘今求八月日則以月餘朔小餘推之
月餘爲日率乘章月之積分蔀日爲章法乘周天之
數以蔀日乘月餘猶以日率章月章法周天相乘爲
實當以周率章法日法章月相乘爲法又小餘以蔀
月爲法蔀月爲日法乘章月之數月法爲周率乘章
法之數以月法乘朔小餘亦當以周率章法日法章
月相乘爲法兩數分同故可相并以章法乘章月得
數約之則當以周率乘日法爲法故如日度法爲八
月日餘又小餘爲其朔夜半到合朔加時之分數
月餘爲合朔加時到星合加時之數相加得其朔以
夜半到星合加時之數故所得爲八月日及日餘以

日度法爲度之餘也

注曰錢詹事日以率當作以周率銳案如日度法爲度之餘也

當云如日度法爲積度不盡爲度之餘也案日率爲
日行周數周率爲星去日周數木火土以周率減日
率餘爲星行周數金水先後日下其行與日同日率
卽爲星行周數周率爲積合率木火土周率減日率
之餘金水日率爲積周率又日法爲積周率周天爲
積度率求星合度者木火土以減餘乘積合金水以
日率乘積合爲實周率爲法所得爲積周也又以周
天乘之爲實日法爲法所得爲積度也今不用中間
積周木火土卽以減餘乘周天金水卽以日率乘周
天爲實以周率乘日法爲日度法而并除積合一省
不乘以法除實得一合星行積度不盡爲度餘日度
法者推合日以爲日法推合度以爲度法兩術所同
也日率相約取之得二千九百九十九萬一千六百
二十一億五千八百二萬六千三百而五星終此注曰
星俱終之歲數也日率相約取之者置木日率四千
七百二十五火日率千八百七十六土日率九千四
百一十五金日率四千六百六十一水日率千八百
八十九以木日率與火日率求等得七以約木日率

得六百七十五爲木約數又以木約數與土日率求
等得五以約土日率得一千八百八十三爲土約數
又以木約數與金日率求等得七以約土日率得二
以火日率與土約數又以火日率與金日率求等得
六十九爲土再約數又以土再約數與金日率求等
求等皆得一不約又以土再約數與金日率求等亦
求等亦皆得一不約又以金日率與木日率求等亦
得一不約約畢木得六十七金得四十六火得一千
十六土得二百六十九各爲定數置木定數六百七
一千八百八十九各爲定數置木定數六百七十五
以火定數一千八百七十六乘之得一百二十六萬
六千三百又以土定數二百六十九乘之得三億四
千六十三萬四千七百又以金定數四千六百六十
一乘之得一萬五千八百七十六億九千八百三十
三萬六千七百又以水定數一千八百八十九乘之
得二千九百九十九萬一千六百二十一億五千八
百二萬六千三百爲五星終之積年以木日率除之
得六千三百四十七億四千三百三十一萬三千八
百六十八終以火日率除之得一萬五千九百八十
七億五十一萬六千七百七十五終以土日率除之得三

千一百八十五億五千一百四十七萬七千二百二十
十終以金日率除之得六千四百三十四億五千八
百九十四萬八千三百終以水日率除之得一萬五
千八百七十六億九千八百一十三萬六千七百終
如蔀之數與元通注日置五月數與元會四萬一
會得七十六以乘五星終數得二十二兆七千九百
三十六萬三千二百四十億九百九十九萬八千八
百為日月月食五星終之積年以元會除之得五萬
五千五百四十億三百九十九萬六千三百四十五
終以五星終數除之得七十六終蔀法

木周率四千三百二十七

注日合分一終之合數也

七百二十五分合之四千三百二十七則此

日率四千七百二十五

注日合分一終之歲數也計

三百二十七合故以為率置木一終三百九十八日
萬四千六百四十一分以日度法萬七千三百八通

日內分得六百九十萬三千二百二十五又以日法
四乘之得二千七百六十一萬二千九百為積日分
又置周天千四百六十一亦以日度法乘之得二千
五百二十八萬六千九百八十八為積度分與積日
分求等得五千八百四十四以約
積日分得日率約積度分得周率

合積月十三月餘四萬一千六百六

注日一合之積月也以章月乘

日率得一百一十一萬三百七十五如月法八萬
二千二百一十三而一得合積月不盡為月餘

月法八萬二千二百一十三

大餘二十三小餘八百四十七虛分九十三

注日置積月十

三以蔽日乘之得三十六萬八百六十七以蔽月除
之得三百八十三為積月不盡為小餘六十去積月
不盡為大餘以小餘
減蔽月餘為虛分

八月日十五日餘萬四千六百四十一

注日置月餘四萬一千六

百六以蔽日乘之得一十一億五千四百九十四萬
九百五十四又置小餘八百四十七以月法乘之得
六千九百六十三萬四千四百一十一并之得一十
二億二千四百五十七萬五千三百六十五以四千
四百六十五約之得二十七萬四千二百六
十一以日度法除之得八月日不盡爲日餘

日度法萬七千三百八

積度三十三度餘萬三百一十四

注日置日率以周率減之餘三百九

十八以周天乘之得五十八萬一千四百七
十八以日度法除之得積度不盡爲度餘

火周率八百七十九

注日以日率除之得歲有千八百七十六分合之八百七十九

日率千八百七十六

注日千八百七十六年有八百七十九合也置火一終七百七

十九日千八百七十二分以日度法通之得二百七
十四萬八千三百六十六又以日法通之得一千九十六
萬三千三百四十四爲積日分又置周天以日度法
通之得五百一十三萬六千八百七十六爲積度分

以等數五千八百四十四約積
日分得日率約積度分得周率

合積月二十六月餘六千六百三十四

注日以章月
乘日率得四

十四萬八百六十以月法除
之得合積月不盡爲月餘

月法萬六千七百一

大餘四十七小餘七百五十四虛分一百八十六

注

置積月以蔀日乘之得七十二萬一千七百三十四
以蔀月除之得七百六十七爲積日不盡爲小餘六
十去積日餘爲大餘小
餘減蔀月餘爲虛分

八月日十二日餘千八百七十二

注日置月餘以蔀
日乘之得一億八

千四百一十五萬三千二百六十八置小餘以月法乘
之得一千二百五十九萬二千五百五十四并之得
一億九千六百七十四萬五千七百六十以四千四
百六十五約之得四萬四千六十四以日度法除之

得入月日不盡爲日餘

日度法三千五百一十六

積度四十九度餘一百一十四注曰置日率以周率減之餘九百九十七

以周天乘之得一百四十五萬六千六百一十七以日度法除之得四百一十四度以三百六十五度減

之餘爲積度不盡九百九十

三以周率減之餘爲度餘注曰以日率除之得歲有九千

六

土周率九千九十六注曰以日率除之得歲有九千

日率九千四百一十五注曰九千四百一十五
三百七十八日二千一百六十三分以日度法通之得一千三百七十五萬五千三百一十五又以日法通之得五千五百二萬一千二百六十爲積日分又置周天以日度法通之得五千三百一十五萬七千

二十四為積度分以等數五千八百四十
四約積日分得日率約積度分得周率

合積月十二月餘十三萬八千六百三十七

注曰以章月乘

日率得二百二十一萬二千五百二十
五以月法除之得合積月不盡為月餘

月法十七萬二千八百二十四

大餘五十四小餘三百四十八虛分五百九十二

注曰

置積月以蔀日乘之得三十三萬三千一百八以蔀
月除之得三百五十四為積日不盡為小餘六十去
積日餘為大餘小餘
減蔀月餘為虛分

八月日二十四日餘二千一百六十三

注曰置月餘以蔀日乘之

得三十八億四千八百四十二萬四千四百八十三
又置小餘以月法乘之得六千一百四十四萬二千七百
五十二并之得三十九億八千五百六十六萬七千二百
三十五以四千四百六十五約之得八十七萬五千

三百七十九以日度法除
之得八月日不盡爲日餘

日度法三萬六千三百八十四

積度十二度餘二萬九千四百五十一注日置日率以周率減之

餘三百一十九以周天乘之得四十六萬六千
五十九以日度法除之得積度不盡爲度餘

金周率五千八百三十注日以日率除之得歲有一合四千六百六十一分合之

一千一百
六十九

日率四千六百六十一注日四千六百六十一一年有晨合二千九百一十五夕合

二千九百一十五并之有五千八百三十分以日度法通之
一合二百九十二日二百八十一分以日度法通之得

得六百八十萬九千七百二十一又以日法通之得
二千七百二十三萬八千八百八十四爲積日分又

置周天以日度法通之得三千四百七萬五百二十
爲積度分以等數五千八百四十四約積日分得日

率約積度
分得周率

合積月九月餘九萬八千四百五

注曰以章月乘日率得一百九萬五

千三百三十五以月法除之得合積月不盡為月餘

月法十一萬七百七十

大餘二十五小餘七百三十一虛分二百九

注曰置積月以

部日乘之得二十四萬九千八百三十一以部月除之得二百六十五為積日不盡為小餘六十去積日餘為大餘小餘減部月餘為虛分

八月日二十七日餘二百八十一

注曰置月餘以部日乘之得二十七

億三千一百六十二萬四千三百九十五又置小餘以月法乘之得八千九十七萬二千八百七十并之得二十八億一千二百五十九萬七千二百六十五以四千四百六十五約之得六十二萬九千九百二

十一以日度法除之得
八月日不盡爲日餘

日度法二萬三千三百二十

積度二百九十二度餘二百八十一

注曰置日率以周天乘之得六

百八十萬九千七百二十一以日度法除之得積度不盡爲度餘

水周率萬一千九百八

注曰以日率除之得歲有六合千八百八十九分合之五

百七十四

日率千八百八十九

注曰千八百八十九年有晨合五千九百五十四夕合五千九

百五十四并之有萬一千九百八合也置水一合五十七日四萬四千八百五十分以日度法通之得二百七十五萬九千八百二十九又以日法通之得一千一百三萬九千三百一十六爲積日分又置周天以日度法通之得六千九百五十九萬三千五百五十二爲積度分以等數五千八百四十四約積日分得日率

約積度分
得周率

合積月一月餘二十一萬七千六百六十三

注曰以章月乘

日率得四十四萬三千九百一十五以月法除之得合積月不盡為月餘

月法二十二萬六千二百五十二

大餘二十九小餘四百九十九虛分四百四十一

注曰

以蔀月除蔀日得大餘不盡為小餘以減蔀月餘為虛分

八月日二十八日餘四萬四千八百五

注曰置月餘以蔀日乘之

得六十億四千二百一十萬七千二百一十七又置小餘以月法乘之得一億一千二百八十九萬九千七百四十八并之得六十一億五千五百萬六千九百六十五以四千四百六十五約之得一百三十七萬八千五百一以日度法除之得八月日不盡為日餘

日度法四萬七千六百三十二

積度五十七度餘四萬四千八百五

注曰置日率以周天乘之得二

百七十五萬九千八百二十九以日度法除之得積度不盡為度餘

推五星術置上元以來盡所求年以周率乘之滿日

率得一名為積合不盡名合餘

注曰今有術也日率為積年率周率為積

合率以周率乘年滿日率為積合

合餘以周率除之所得為退歲無

所得星合其年得一合前年二合前二年

注曰舊脫上合字所

得為舊誤不得焉退歲者合不在其年而有所退也

木土以周率除日率得一故得合前年火以周率除

日率得二故得合前二年金水日率少周率多以日

率除周率金得一水得六則一歲中間金一合或二

合水六合或七合金水積合奇為晨偶為夕

注曰金水以二

理不得有退歲也

合爲一終有晨合一夕合一奇爲晨偶爲夕則上元起夕合也乾象術上元亦起夕合今以校之上元已丑至熹平三年甲寅積七千三百四十六算上以金周率九千二百二十二乘之得六千六百二十七萬五千六百一十二以金日率七千二百一十三除之得積合九千一百八十八合餘二千五百六十八積合偶爲夕四分術上元庚辰至熹平三年甲寅積九千四百五十五算上以金周率乘之得五千五百一十二萬二千六百五十以金日率除之得積合一萬一千八百二十六合餘一千六百六十四積合偶爲夕與乾象其不滿周率者反減之餘爲度分注日積年以周率乘則周率卽爲一歲之積分又推五星盡所求年則合餘卽爲星合加時到歲終冬至之積分反減周率餘卽爲歲前冬至到星合加時之積分下據以求星合度故謂之度分

推星合月以合積月乘積合爲小積又以月餘乘積

合滿其月法得一從小積爲積月不盡爲月餘注日爲積

月不盡五
字今增

積月滿紀月去之

注曰紀首日名復於餘
甲子故滿紀月去之

爲入紀月每以章閏乘之滿章月得一爲閏不盡爲

閏餘以閏減入紀月其餘以十二去之餘爲入歲月

數從天正十一月起算外星合所在之月也其閏餘

滿二百二十四以上至二百三十一星合閏月閏或

進退以朔制之

注曰其閏下舊脫餘字今增
此與推月食求入章閏同

推朔日以蔀日乘入紀月

注曰乘下
舊衍之字

滿蔀月得一爲

積日不盡爲小餘積日滿六十去之餘爲大餘命以

甲子

注曰甲子
紀首日名

算外星合月朔日

注曰此卽推
天正朔日術

推入月日以蔀日乘月餘以其月法乘朔小餘從之

以四千四百六十五約之所得滿日度法得一為入

月日不盡為日餘

注日滿上舊衍得字錢詹事曰四千四百六十五者章法乘章月之

數也銳案餘

以朔命入月日算外星合日也

注日入月日為

已說在上文其朔夜半到星合加時之積日故以朔命之得星合日

推合度以周天乘度分滿日度法得一為積度不盡

為度餘

注日已說在上文

以斗二十一四分一命度算外星

合所在度也

注日度分為冬至到星合加時之數故以冬至日所在命之得星合度

一術加退歲一以減上元

注日退歲者周率除合餘所得數也推五星盡所求

年以退歲減之餘為上元以來盡星合年之算置退歲數加一以減上元餘為上元以來外星合年之算

求星合年前冬至當外所求故須加退歲一無退歲者但減一算

滿八十除去之

注日

八十年而日名復於甲子故滿八十除去之置四歲
積日一千四百六十一以甲子六十去之不盡二十
一與六十求等得三以約六十得二十以乘一千四
百六十一日得二萬九千二百二十日以六十去之
盡爲日復甲子積日以一千四百六十一爲所有日
率四爲所求年率二萬九千二百二十爲所有日而
今有之得八餘以沒數乘之滿日法得一爲大餘不
十爲所求年

盡爲小餘以甲子命大餘則星合歲天正冬至日也

注曰此卽推二十四氣術以沒數
乘日法除猶以日餘乘中法除也以周率乘小餘并

度餘餘滿日度法從度卽正後星合日數也命以冬

至

注曰周率下舊脫乘字正當作至小餘謂冬至小
餘度餘謂星合度度餘也小餘以日法爲母日度

法爲日法乘周率之數以周率乘小餘所得卽以日
度法爲母故可與度餘相并星合度爲歲前冬至加
時度去星合加時度之積度分卽爲歲前冬至加時
到星合加時之日分以周率乘冬至小餘并之爲冬

至夜半到星合加時之日分卽冬至後日數也命以冬至起星合日

求後合月加合積月於入歲月加月餘於月餘

注曰如木

則加合積月十滿其月法得一從入歲月入歲月滿三及月餘是也

十二去之有閏計焉

注曰有閏去十三月

餘命如前算外後合

月也金水加晨得夕加夕得晨

注曰金水舊誤餘一從錢詹事改

求朔日以大小餘加今所得

注曰如木則加大餘二十三及小餘是也

其

月餘得一月者又加大餘二十九小餘四百九十九

小餘滿部月得一加大餘大餘命如前

注曰又加大餘二十九已

下舊有脫誤從

錢詹事訂正

求入月日以入月日餘加今所得

注曰如木則加入月日十五及日餘

是也 餘滿日度法得一從日其前合月朔小餘不滿其

虛分者空加一日

注日不字衍空加一日者空去所加一日如木本加入月日十五及

日餘今空加一日則加十四日及日餘是也前合月小餘滿其虛分以其朔小餘加之即滿蔀月成日大

餘多一日則入月日少一日故須空加一日 日滿月先去二十九注日月小二十

九日故先減二十九 其後合月朔小餘不滿四百九十九又減

一日注日一月小餘四百九十九小餘不滿此數則前月大緣所不滿之數并前月小餘成一日故

也前月大故須又減一日凡小餘四百四十一已下前月大其月小四百九十九已上前月小其月大四

百四十一已上四百九十 其餘命如前

求合度以積度度餘加今所得

注日如木則加積度三十三及度餘是也

餘滿日度法得一從度命如前經斗除如周率矣注日

周率爲日度法四分
之一故經斗除周率

木晨伏十六日七千三百二十分半行二度萬三千

八百一十一分在日後十三度有奇而見東方

注曰日日

行一度凡日數卽日行度數置伏日行十六度七千
三百二十分半伏星行二度萬三千八百一十一分
相減餘得星在日後十三度一萬八百一十七分半
凡求星去日順行與日行相減逆行則相加相減者
星行少於日行爲在日後多於日行爲在日前相加
者在日後以在日前度與周天相減餘卽在日後度
以在日後度與周天見順日行五十八分度之十一
相減餘卽在日前度

五十八日行十一度

注曰五十八爲日率十一爲度率度率爲實日率爲法實不滿

法法爲母寔爲子得一日星行五十八分度之十一
餘做此以日行五十八度加前伏日行十六度有奇
共得日行七十四度有奇以星行十一度加前伏星
行二度有奇共得星行十三度有奇相減餘得星在

日後六十度有奇 微遲日行九分 注曰此分亦以五十八為母不言分母承上文餘做

此五十八日行九度 注曰以日行五十八度加前日行七十四度有奇共得日行一百一十二度有奇以星行九度加前星行十三度有奇共得星行二十二度有奇相減餘得星在日後一百九度

百九度 雷不行二十五日 注曰以日行一百三十二度有奇共得日行一百五十七度有奇星不行即因前一百三十四度有奇相減餘得星在日後一百三十四度有奇

奇共得日行一百五十七度有奇星不行即因前一百三十四度有奇相減餘得星在日後一百三十四度有奇

奇旋逆日行七分度之一八十四日退十二度 注曰八十四日退十二度則日行八十四分度之十二子母求等數得十二各約之得日行七分度之一餘放此以日行八十四度加前日行一百五十七度有奇共得日行二百四十一度有奇以星退十二度減前星行二十二度有奇共得星行一十度有奇相減餘得星在日後二百三十度有奇木火土退行之際其去日一百八十二度有奇是為復雷二十五日 注曰以日行二十五

與日相衡故星逆如常

度加前日行二百四十一度有奇共得日行二百六十六度有奇星不行即因前星行一十度有奇相減餘得星在日後二復順五十八日行九度注曰亦日百五十五度有奇分度之九以日行五十八度加前日行二百六十六度有奇共得日行三百二十四度有奇以星行九度加前星行一十度有奇共得星行一十九度又五十有奇相減餘得星在日後三百四度有奇

八日行十一度在日前十三度有奇而夕伏西方注曰

亦日行五十八分度之十一不言日行分亦承上文以日行五十八度加前日行三百二十四度有奇共得日行三百八十二度有奇以星行十一度加前星行一十九度有奇共得星行三十度有奇相減餘得星在日後三百五十一度有奇置周天三百六十五度四千三百二十七分以星在日後三百五十一度一萬八百一十七分半減之餘得星在除伏逆注曰日前十三度一萬八百一十七分半伏度除一見注曰自見至三百六十六日注曰置順伏逆一見注曰自見至三百六十六日注曰置順

微遲五十八日雷二十五日逆入十四日復雷二十

五日復順五十八日又五十八日并之得三百六十

六行二十八度注曰置順行十一度微遲行九度復

度減逆退十二伏復十六日七千三百二十分半行

二度萬三千八百一十一分而與日合注曰以日行

加前日行三百八十二度有奇共得日行三百九十

入度有奇以星行二度有奇加前星三十度有奇共

得星行三十三度有奇相減餘三百六十五度四千

三百二十七分滿周天去之星與日合木火土逆行

前後其伏順雷片一終注曰木火土以三百九十八

日有萬四千六百四十一分注曰以一見日加前後

行星三十三度與萬三百一十四分注曰以一見

伏行度及分得一通率日行四千七百二十五分之

終星行度及分

三百九十八

注曰置一終日及分又置一終行星度及分各以日度法通之得六百九十九萬

三千三百二十五為一終積日分五十八萬一千四百七十八為一終行星積度分兩數求等得一千四百六十一以約積日分得四千七百二十五為法以約積度分得三百九十八為實實不滿法以法命之得日行四千七百二十

五分之三百九十八

火晨伏七十一日二千六百九十四分行五十五度

二千二百五十四分半在日後十六度有奇而見東

方

注曰在日後十六度四百三十九分半

見順日行二十三分度之十

四百八十四日行百一十二度

注曰日共行二百五十五度有奇星共行

一百六十七度有奇星在日後八十八度有奇

微遲日行十二分九十二日

行四十八度

注曰日共行三百四十七度有奇星共行二百一十五度有奇星在日後一百

三十二度有奇注曰日共行三百五十八度留不行十一日有奇星共行二百一十五度

有奇星在日後一旋逆日行六十二分度之十七六

百四十三度有奇注曰日共行四百二十度有奇星十二日退十七度共行一百九十八度有奇星在日

後二百二十度有奇注曰日共行四百三十一復留十一日度有奇星共行一百九十

八度有奇星在日後注曰日共行四百三十一復順九十二日行四十八度日

二百三十三度有奇注曰日共行四百三十一又百八

十六度有奇星在日後二百七十七度有奇十四日行百一十二度在日前十六度有奇而夕伏

西方注曰日共行七百七度有奇星共行三百五十

八度有奇星在日後三百四十九度有奇即是在日前十六度四除伏逆一見六百三十六日行三

百三十九分半注曰日共行七百七度有奇星共行三百五十百三度伏復七十一日二千六百九十四分行五十

五度二千二百五十四分半而與日合

注曰日共行七百七十五

度有奇星共行四百一十四度有奇相減餘三百凡六十五度八百七十九分滿周天去之星與日合

一終七百七十九日有千八百七十二分行星四百

一十四度與九百九十三分通率日行千八百七十

六分之九百九十七

注曰以日度法通一終日及分得二百七十四萬八百三十六

以等數一千四百六十一約之得一千八百七十六為分母又以日度法通一終行度及分得一百四十五萬六千六百一十七以等數約之得九百九十七為分子

土晨伏十九日千八十一分半行三度萬四千七百

二十五分半在日後十五度有奇而見東方

注曰在日後十

五度二萬二千七百四十分見順日行四十三分度之三十八十六

日行六度

注曰日共行一百五度有奇星共行留不

行三十三日

注曰日共行一百三十八度有奇星共行九度有奇星在日後一百二十八度

有旋逆日行十七分度之一百二日退六度

注曰日共行二

百四十度有奇星共行三度有奇

復留三十三日

注曰

星在日後二百三十六度有奇

復順八十六

度有奇星在日後二百六十九度有奇

復順八十六

日行六度在日前十五度有奇而夕伏西方

注曰日共行三

百五十九度有奇星共行九度有奇星在日後三百四十九度有奇即是在日前十五度二萬二千七百

分除伏逆見三百四十日行六度伏復十九日千

八十一分半行三度萬四千七百二十五分半而與

日合

注曰日共行三百七十八度有奇星共行十二度有奇相減餘三百六十五度九千九十六分

滿周天去之 凡一終三百七十八日有二千一百六
星與日合

十三分行星十二度與二萬九千四百五十一分通

率日行九千四百一十五分之三百一十九 注日以日度法

通一終日及分得一千三百七十五萬五千三百一
十五以等數一千四百六十一約之得九千四百一

十五為分母又以日度法通一終行度及分得四十
六萬六千五百十九以等數約之得三百一十九為分

子金晨伏五日退四度在日後九度而見東方 注日行

五度星退四度相加 見逆日行五分度之三十日退
得星在日後九度

六度 注日日共行十五度星共退十度 畱不行八日 注日

日共行二十三度星共退十度 順日行四十六分度
相加得星在日後三十三度

之三十三四十六日行三十三度 注日日共行六十度置星行三十

二度以星共退十度減之餘得星共行二十三度以減日共行度餘得星在日後四十六度爲金去日極遠之而疾日行一度九十一分度之十五九十一日

行百六度

注日日共行一百六十度星共行一百二十九度星在日後三十一度

益疾

日行一度二十二分九十一日行百一十三度在日

後九度而晨伏東方

注日日共行二百五十一度星共行二百四十二度星在日後

九除伏逆一見二百四十六日行二百四十六度伏

四十一日二百八十一分行五十度二百八十一分

而與日合

注日日共行二百九十一度有奇星共行二百九十二度有奇星與日合

一合

二百九十二日二百八十一分行星如之

金夕伏四十一日二百八十一分行五十度二百八

十一分在日前九度而見西方

注日日行四十一度有奇星行五十度有

奇相減餘得星在日前九度

見順疾日行一度九十一分度之二

十二九十一日行百一十三度

注日日共行一百三十二度有奇星共行

一百六十三度有奇星在日前三十一度

微遲日行一度十五分九十一

日行百六度

注日日共行二百二十三度有奇星共行二百六十九度有奇星在日前四十

六度而遲日行四十六分度之三十三四十六日行三

十三度

注日日共行二百六十九度有奇星共行三百二度有奇星在日前三十三度

留不

行八日

注日日共行二百七十七度有奇星共行三百二度有奇星在日前二十五度

旋逆

日行五分度之三十日退六度在日前九度而夕伏

西方

注日日共行二百八十七度有奇星共行二百九十六度有奇星在日前九度

除伏逆

一見二百四十六日行二百四十六度伏五日退四

度而復合

注曰日共行二百九十二度有奇星共行二百九十二度有奇星與日合金水晨合

已後夕合已前其伏順留逆日度皆相等

凡再合一終

注曰金水有晨合夕合故再合為一

終五百八十四日有五百六十二分

注曰倍一合日及分得一終日

及行星如之通率日行一度

注曰金水一終日及分與一終行度及分同故

通率日行一度

水晨伏九日退七度在日後十六度而見東方見逆

一日退一度

注曰日共行十度星共退八度星在日後十八度

留不行二日

注曰日共行十二度星共退八度星在日後二十度

旋順日行九分度之八九

日行八度

注曰日共行二十一度星順逆行相消適盡星在日後二十一度為水去日極遠之

數而疾日行一度四分度之一二十日行二十五度

在日後十六度而晨伏東方

注曰日共行四十一度星行二十五度星在日

後十六度除伏逆一見三十二日行三十二度伏十六日

四萬四千八百五分行三十二度四萬四千八百五

分而與日合

注曰日共行五十七度有奇星與日合一合五

十七日有四萬四千八百五分行星如之

水夕伏十六日四萬四千八百五分行三十二度四

萬四千八百五分在日前十六度而見西方見順疾

日行一度四分度之一二十日行二十五度

注曰日共行三

十六度有奇星共行五十七度而遲日行九分度之八

九日行八度

注曰日共行四十五度有奇星共行六十五度有奇星在日前二十度 留

不行二日

注曰日共行四十七度有奇星共行六十五度有奇星在日前十八度 逆一

日退一度在日前十六度而夕伏西方

注曰日共行四十八度有

奇星共行六十四度有奇星在日前十六度

除伏逆一見三十二日行三

十二度伏九日退七度而復合

注曰日共行五十七度有奇星共行五十七

七度有奇星與日合

凡再合一終百一十五日有四萬一千九

百七十八分行星如之通率日行一度

注曰右五星步法也舊本

脫誤衍字並從錢詹事訂正

步術以步法伏日度分

注曰如木則伏十六日及分行二度及分是也 加星

合日度餘

注曰加舊誤如以日加日以度加度

命之如前得星見日度

也行分母乘之分

注曰行舊誤術行分母如木順則五十八是也之分星見度餘也

如日度法而一分

注曰如日舊誤日如於今有術日度法為所有率行分母為所求率

之分為所有數而今有之得行分

不盡如法半以上亦得一而日加

所行分

注曰木順則日加十一分是也

滿其母得一度

注曰如木順則滿五十八

得一度是也

逆順母不同

注曰如木逆母七順母五十八為不同是也

以當行

之母乘故分如故母如一也

注曰如木逆則七為當行之母五十八為故母

其初不滿五十八者為故分是也亦今有術也如一而一也而如古通

畱者承前逆則

減之伏不書度

注曰謂不以所經斗除如行母四分

在宿度書於術

具一

注曰如木順經斗除一十五

其分有損益前後

相放

注曰滿半以上得一為益不滿半者棄之為損相放者前益者後損之前損者後益之

其

以赤道命度進加退減之其步以黃道

注日以赤道宿度下進退

數進加退減所命赤道度即黃道度也

月名

注日題下文也舊作日名非是又舊本日名以下并連上文亦非今改定如此

正月 二月 三月 四月 五月 六月 七月 八月 九月 十月

冬至 大寒 雨水 春分 穀雨 小滿 夏至 大暑 處暑 秋分 霜降 小雪

注曰冬至在其月是名十一月大寒在其月是名十二月若月無中氣則其月無名是為閏月

斗二十六

四分一退二

牛八

女十二

進一

虛十

進二

危十七

進二

室十六

進三

壁九

進一

注日危十七舊作十六壁

九舊作壁十並誤今改正案此赤道度即太初星距見於三統術者是也自漢已後相沿承用至唐大衍術始改畢觜參鬼四宿後漢施行四分未嘗改測則二宿度數不得與三統術異今本作危十六壁十者

與下文黃道度
相涉而誤也

北方九十八度四分一

奎十六

婁十二退

胃十四退

昂十一退

畢十六退

觜二退

參九退

西方八十度

井三十三退

鬼四

柳十五

星七進

張十八進

翼十八進

軫十七進

南方百一十二度

角十二

亢九退

氏十五退

房五退

心五退

尾十八退

箕十一退

東方七十五度

右赤道度周天三百六十五度四分一

注曰右宿度下列進退數者進退赤道度為黃道度也如求得日在赤道斗二十一度以退二減之則日在黃道斗十九度又如求得日在赤道女二度以進一加之則日在黃道女三度是也求進退差法四分術冬至赤道在斗二十一黃道在斗十九是黃赤二道並起牛前五度也置五度為赤道牛初距度端積度累以赤道度牛八女十二之等加之為赤道二十八宿距度端積度又置五度為黃道牛初距度端積度累以黃道度牛七女十一之等加之為黃道二十八宿距度端積度以各宿黃赤二道距度端積度相減餘為進退差赤道度多為進少為退列之如下

二十八宿	赤道距度端積度	黃道距度端積度	進退差
牛	五	五	空
女	十三	十二	進一
虛	三十五	二十三	進二

危	室	壁	奎	婁	胃	昂	畢	觜	參	井	鬼	柳	星	張	翼	軫	角	亢	氏
三十五	五十二	六十八	七十七	九十三	一百五	一百二十九	一百三十	一百四十六	一百四十八	一百五十七	一百九十	一百九十四	二百九	二百一十六	二百三十四	二百五十二	二百六十九	二百八十一	二百九十
三十三	四十九	六十七	七十七	九十四	一百六	一百二十一	一百三十三	一百四十九	一百五十二	一百六十	一百九十	一百九十四	二百八	二百一十五	二百三十二	二百五十一	二百六十九	二百八十二	二百九十二
進二	進三	進一	空	退一	退一	退二	退三	退三	退四	退三	空	空	進一	進一	進二	進一	空	退一	退二

房心尾箕斗

三百五

三百一十

三百一十五

三百三十三

三百四十四

三百八

三百二十三

三百一十八

三百三十六

三百四十六

退三

退三

退三

退三

退二

斗二十四

四分一

牛七

女十二

虚十

危十六

室十八

壁十

北方九十六度四分一

奎十七

婁十二

胃十五

昂十二

畢十六

觜三

參八

西方八十三度

井三十

鬼四

柳十四

星七

張十七

翼十九

軫十八

南方百九度

角十三

亢十

氏十六

房五

心五

尾十八

箕十

東方七十七度

右黃道度三百六十五四分一

黃道去極日景之生據儀表也

注曰黃道去極據儀日景據表漏刻

之生以去極遠近差乘節氣之差如遠近而差一刻

以相增損

注曰去極遠近差者其氣去極度與前氣去極度相減之餘也節氣之差者冬夏二

至之刻差二十刻也遠近者極遠極近相減之餘冬夏二至之去極差四十八度也以其氣去極差乘二

十刻如四十八度而一得其氣漏刻差冬至後晝夏至後夜以其氣漏刻差增前氣漏刻得其氣漏刻冬至後夜夏至後晝以其氣漏刻差損前氣漏刻得其氣漏刻

晝漏夜漏減之二百而一注曰舊誤夜漏減為定度

以減天度餘為明加定度一為昏其餘四之如法為

少注曰此下當有二不盡三之如法為強餘半法以

上以成強強三為少少四為度其強二為少弱也注曰

案星從天而西日行一周天當漏刻一百其自明至中自中至昏皆當晝漏之半以天度乘晝漏即如以天度乘半晝漏之倍數故亦倍百刻為二百除之所得為昏時日所在距中之度以減周天三百六十五度二十五分餘為明時日所在距中之度而日行自夜半至昏明又自有行分今昏明星度並從夜半日所在起算須以日行自夜半至明至昏之行分加昏明時日所在距中之度為昏明中星度定度以二

百為法則夜漏即為日行自夜半至明之行分以夜
 漏減二百餘即為日行自夜半至昏之行分為術當
 以夜漏加明時日所在距中之度為明中星度以夜
 漏減二百餘以加昏時日所在距中之度為昏中星
 度緣此定度中先減去夜漏則以之轉減天度即少
 減一夜漏更不須加故所餘即為明中星度又此定
 度先減夜漏而後加一度即如以夜漏減二百之餘
 加之故加定度一為昏中星度并昏明中星度得三
 百六十六度二十五分多於周天一度所多一度即
 日所行也凡四分之三為少強五為半弱六為半七為半
 之一為強二為少弱通而言之十二分之一為強二
 為少弱三為少四為少強五為半弱六為半七為半
 強八為大弱九為大十又以日度餘為少強而各加
 為大強十一為一弱
 焉注日度餘者二十四氣日所在度餘也日所在
 度下分以三十二為母今昏明中星度餘既命為
 少強故亦以日所在度
 下分變從少強而并之

千累百

黃道極

晝漏刻

夜漏刻

昏中星

旦中星

冬至

斗十度 退八分

百十五度 丈三尺

四十五

五十五

奎六 弱

亢二 少強

小寒

女二度 進七分

百十三 強

丈二尺三寸 四十五 分八

五十四 分二

集 半強

氏七 少弱

大寒

虛五度 進四分

百十 大弱

丈一尺 四十六 分八

五十三 分八

胃一 半強

心 半

立春

危十度 進三分

百九 少強

九尺六寸 四十八 分六

五十一 分四

畢五 少弱

尾七 半弱

雨水

室八度 進三分

百 強

七尺九寸 五十八 分八

四十九 分二

參五 半弱

箕 大弱

驚蟄

壁八度 進三分

九十五 強

六尺五寸 五十三 分三

四十六 分七

井十一 少弱

斗 少

春分

奎六度 進十分

八十九 強

五尺一寸五分 五十五 分八

四十四 分二

鬼四

斗十二 弱

清明

胃一度 退七分

八十三 少弱

四尺二寸五分 五十八 分三

四十一 分七

星四 大

斗十三 半

穀雨

昂二度 退二分

七十七 大強

三尺二寸 六十 分五

三十九 分五

張十七 大

牛六 半

立夏

畢六度 退三分

七十三 少弱

三尺五寸 六十二 分四

三十七 分六

翼七 大

女十 少

小滿

緯度 六分退四

六十九 大弱

尺九寸九分六十三分九

三十一 六分一

角 大弱

危 大弱

芒種

井十度 三分退三

六十七 少弱

尺六寸八分六十四分九

三十五 一分一

亢 大退一

危十四 強進二

夏至

井十度 三分退三

六十七 強

尺五寸 六十五

三十五

氏十二 少弱退二

室十二 少弱進三

小暑

柳三度 三分退三

六十七 大強

尺七寸 六十四分七

三十五 三分三

尾 大強退三

奎 大強

大暑

星四度 二分退一

七十

二尺 六十三分八

三十六 二分二

尾十五 半弱退三

翼 大退一

立秋

張十度 九分退一

七十三 半強

二尺五寸 六十二分三

三十七 七分七

箕九 大強退三

胃九 大弱退一

處暑

翼九度 六分退一

七十八 半強

三尺三寸 六二分

三十九 八分八

斗十 少退二

畢 大退三

白露

軫六度 三分退一

八十四 少強

四尺三寸五分 五十七分八

四十二 二分二

斗十三 強退三

參五 半弱退四

秋分

角四度 三分退一

九十 半強

五尺五寸 五十五分二

四十四 八分八

生五 少退一

井十六 少強退三

寒露

亢八度 五分退一

九十六 大強

六尺八寸五分 五十二分六

四十七 四分四

女七 大退一

鬼三 少強

霜降

斗六度

退三

百

少強

八尺四寸

五十三分

四十九分七

虞大進二

星三大強進一

立冬

斗六度

退三

百

少強

丈四寸二分

四十八分二

五十一分八

危大進二

張十五大強進一

小雪

斗六度

退三

百

弱

丈二尺四寸

四十六分七

五十三分三

室半強進三

翼十五大強進二

大雪

斗六度

退二

百

大強

丈二尺五寸

四十五分五

五十四分五

壁半強進一

軫十五少弱進一

注曰右二十四氣各數舊有誤字今皆訂正求日所
在法冬至積度空累加十五度七分分滿中法三十
二從度列為二十四氣日所在積度分置其氣日所
在積度分加二十一度八分數從斗初起赤道宿次
除之經斗去八分算外得其氣日所在宿度及分如
小寒日所在積度十五分七加二十一度八分得三
十六度十五分數從斗初起經斗去八分其度下分
餘七赤道宿次除之餘二度不滿女宿得小寒日所
在女二度七分也它皆放此
二十四氣日所在積度分

冬至

空

十五度七分

大寒 立春 雨水 驚蟄 春分 清明 穀雨 立夏 小滿 芒種 夏至 小暑 大暑 立秋 處暑 白露 秋分 寒露 霜降 立冬

三十度十四分
四十五度二十一分

六十度二十八分

七十六度三分

九十一度十分

一百六度十七分

一百二十一度二十四分

一百三十六度三十一分

一百五十二度六分

一百六十七度十三分

一百八十二度二十分

一百九十七度二十七分

二百一十三度二分

二百二十八度九分

二百四十三度十六分

二百五十八度二十三分

二百七十三度三十分

二百八十九度五十分

三百四度十二分

三百一十九度十九分

小雪

三百三十四度二十六分

大雪

三百五十一度一分

求漏刻法置二十四氣黃道去極度及少強先以少
強通為分強為一分少弱為二分少為三分少強為
四分半弱為五分半為六分半強為七分大弱為八
分大為九分大強為十分弱則去度一為十一分為
黃道去極度分又以其氣黃道去極度分與前去黃
道去極度分相減餘為去極遠近差置去極遠近差
以分母十二通分內子以二至刻差二十四約之得
五乘之為實亦以十二通二至去極差四十八度得
五百七十六亦四約之得一百四十四為法法除實
得其氣漏刻差冬至後以其氣漏刻差加前氣晝漏
刻得其氣晝漏刻以減百刻餘為夜漏刻夏至後以
其氣漏刻差減前氣晝漏刻餘為其氣晝漏刻以減
百刻餘為夜漏刻如小寒黃道去極一百一十三度
一分以減冬至黃道去極一百一十五度餘一十二
一分為小寒去極差以十二通一度得一十五為實以
一分共得二十三以五乘之得一百一十五為實以
法一百四十四除之不滿法退除得八分即小寒漏
刻差也以漏刻差八分加冬至晝漏刻四十五得四

十五八分爲小寒晝漏刻以減百刻餘五十四二分
 爲小寒夜漏刻凡冬至後夏至前各氣皆放此又知
 小暑黃道去極六十七度十分以夏至黃道去極六
 十七度一分減之餘九分爲小暑去極差以五乘之
 得四十五爲實以法百四十四除之得三分卽小暑
 漏刻差也以漏刻差三分減夏至晝漏刻六十五餘
 六十四七分爲小暑晝漏刻以減百刻餘三十五三
 分爲小暑夜漏刻凡夏至後冬至前各氣皆放此

二十四氣

黃道去極度分

去極差

漏刻差

冬至

一百一十五度空分

空

空

小寒

一百一十三度一分

一度一十二分

空刻八分

大寒

一百一十度八分

二度五分

一刻空分

立春

一百六度四分

四度四分

一刻八分

雨水

一百一度一分

五度三分

二刻二分

驚蟄

九十五度一分

六度空分

二刻五分

春分

八十九度一分

六度空分

二刻五分

清明

八十三度二分

五度一十一分

二刻五分

穀雨

七十七度十分

五度四分

二刻二分

立夏

七十二度二分

四度八分

一刻九分

小滿

六十九度八分

三度六分

一刻五分

芒種 六十七度二分 二度六分 一刻空分

夏至 六十七度一分 空 空刻三分

小暑 六十七度十分 二度九分 空刻九分

大暑 七十度空分 二度二分 一刻五分

立秋 七十三度七分 三度七分 二刻一分

處暑 七十八度七分 五度空分 二刻四分

白露 八十四度四分 五度九分 二刻六分

秋分 九十度七分 六度三分 二刻六分

寒露 九十六度十分 六度三分 二刻六分

霜降 一百二度四分 五度六分 二刻三分

立冬 一百七度四分 五度空分 二刻一分

小雪 一百一十度一十分 三度七分 一刻五分

大雪 一百一十三度十分 二度一十一分 一刻一分

求昏旦中星法置前二十四氣日所在積度分以十

二乘其分三十二而一即其分以十二為母亦列為

二十四氣積度分又以周天三百六十五度二十五

分乘其氣晝漏刻及分得數以其氣晝漏刻及分減

之餘為實以二百為法法除實所得為定度不盡退

除之為分以減周天度及分餘為其氣旦中星積度

及分又置定度及分加一度所得為其氣昏中星積

度及分昏明積度下分各以十二乘之百除爲分此
分亦以十二爲母各列之爲二十四氣昏旦中星積
度及分置其氣昏旦中星積度分與其氣日所在積
度分相加又加二十一度三分滿周天三百六十五
度三分去之數從斗初起以赤道宿次除之經斗除
三分算外得其氣昏旦中星宿度其度下分以少半
大強弱命之如冬至晝漏刻四十五以天度三百六
十五二分二十五分乘之得一萬六千四百三十六度二
十五分以冬至漏刻五十五減之餘一萬六千三百
八十一度二十五分爲實以法二百除之得八十一
度九十一分爲定度以減天度餘二百八十三度三
十四分以十二乘三十四分得四百八分以百除之
得四分共得二百八十三度四分爲明中星積度分
又置定度加一度得八十二度九十一分以十二乘
九十一分得一千九百九十二分以百除之得一十一
分共得八十二度一十一分爲昏中星積度分置昏中
星積度八十二度一十一分與日所在積度分相加緣
冬至積度空無所加卽以二十一度三分加之得一
百四度二分數從斗初起經斗去三分其度下分餘
十一赤道宿次除之餘五度不滿奎宿其度下十一

分卽加一度命爲弱得冬至昏中星奎六弱也置明
 中星積度二百八十三度四分加二十一度三分得
 三百四度七分數從斗初起經斗去三分其度下分
 餘四赤道宿次除之餘二度不滿亢宿其度下分四
 命爲少強得冬至旦中星
 亢二少強也餘皆放此

二十四日所在積度分

冬至空

小寒十五度三分

大寒三十度五分

立春四十五度八分

雨水六十度十一分

驚蟄七十六度一分

春分九十一度四分

清明一百六度六分

穀雨一百二十一度九分

立夏一百三十七度

小滿一百五十二度二分

芒種一百六十七度五分

夏至一百八十二度八分

昏中星度分

八十二度十一分

八十四度四分

八十六度二分

八十九度六分

九十三度六分

九十八度一分

一百二度八分

一百七度三分

一百一十一度三分

一百一十四度九分

一百一十七度六分

一百一十九度四分

一百一十九度六分

旦中星度分

二百八十三度四分

二百八十一度十一分

二百八十度一分

二百七十六度九分

二百七十二度九分

二百六十八度二分

二百六十三度七分

二百五十九度

二百五十五度

二百五十一度六分

二百四十八度九分

二百四十六度十一分

二百四十六度九分

小暑	一百九十七度十分	一百一十九度	二百四十七度三分
大暑	三百一十三度一分	一百一十七度四分	二百四十八度十一分
立秋	三百二十八度三分	一百一十四度七分	二百五十一度八分
處暑	三百四十三度六分	一百一十度九分	二百五十五度六分
白露	三百五十八度九分	一百六度四分	二百五十九度十一分
秋分	二百七十三度十一分	一百一十七度七分	二百六十四度八分
寒露	二百八十九度二分	九十六度十分	二百六十九度五分
霜降	三百四度五分	九十二度七分	二百七十三度八分
立冬	三百一十九度七分	八十八度九分	二百七十七度六分
小雪	三百三十四度十分	八十六度	二百八十度三分
大雪	三百五十度	八十三度十分	二百八十二度五分

其暑景一行無數可校今案祖冲之術二至暑景與

此同其至前後各氣暑景以此至前後暑景雨兩相

加折半得之如此術大雪景丈二尺五寸六分小寒

景丈二尺三寸相加半之得冲之術大雪小寒景一

丈二尺四寸三分是也覆檢此文惟立冬一氣不合

案祖冲之稱四分志立冬中景長一丈立春中景九

尺六寸相加半之得九尺八寸與冲之術立春立冬

景正合然則此文立冬暑景丈四

四氣小餘四之如法爲少大餘不盡加之如法爲強

若節氣加時在夜半後卽須減之爲定如冬至有小

五大弱明中星尙未到亢二少強而在亢強正弱負二強也以小餘變從少大強弱令可相減

相去如以強減少弱爲強以弱減少強爲半弱故曰同名

以強減少
弱爲強也

從上元太歲在庚辰以來盡熹平三年歲在甲寅積

九千四百五十五歲也

注曰錢詹事曰四分術以章

寅前九十年此積年乃及熹平者蓋劉洪撰記時附益九銳案章帝施行四分月食以河平癸巳爲元至光和三

蓋其時所定光和三

年在熹平甲寅後六年

四分術下畢

甘泉老友江藩校